



PM stopim polis long yusim bikpela gan

PRAIM Minista Peter O'Neill i no laikim ol polisman bilong yumi i yusim ol bikpela paitgan long olgeta de wok bilong ol.

Em i tok i mobeta polis i yusim ol bikpela paitgan long taim bilong mekim wok long ol nesenel sekyuriti na imejensi operesen.

“Yusim ol dispela kain paitgan i wok long kamap oltaim, na sampela taim, i nogat nid long ol i karim raun dispela kain ol gan.”

Mista O'Neill i tok long dispela as tasol, na komyuniti na pablik i bungim bikpela wari.

Long Tunde dispela wik, Praim Minista O'Neill i raitim wampela pas i go long Polis Minista Nixon Duban, long kisim bek olgeta bikpela paitgan i go lokim ol long ol polis amori o rum gan, bai ol i stap gut.

“Taim ol i stap insait long ol dispela rum gan, nogat wampela hai-pawa faiaram bai go aut nating,” Mista O'Neill i tok.

Em i tokim Minista Duban long

glasim gut yusim bilong ol gan polisi olsem hap bilong ristraksarim polis fos.

“Long sait bilong ol wok polis olgeta de, ol said am o pistol i orait long ol sinia non-komisin na komisina opisa i karim raun.

“Mi save olsem bai gat wari kamap long sefti bilong ol polis opisa, taim ol raskol i wok yusim ol bikpela paitgan tu long mekim birua.

“Long dispela kain ol taim, Polis Komisina i gat pawa long tok oraitim yusim bilong ol dispela gan,” Mista O'Neill i tok.

Em i tok Polis Minista na Atoni Jeneral bai wokbung long kamapim ol loa na fremwok long kontrolim yusim bilong ol hai pawa gan.

EM OL KAPUL O? Ol wok man bilong PNG Pawa i gat pepa long kain wok olsem, ol stretim pawa lain long Renbo taim i bin blek aut.

Poto Nicky Bernard.



INSAIT: Oposisen bai salensim malolo taim senis- p2

Lesman bai raus: PM- p2

UNHCR: Manus banis no orait long ol pikinini- p2



Nem bilong sikspela man i lus, i kam aut pinis

Michael Novingu i raitim

NEM bilong sikspela man i lus long solwara namel long Pomio na Kokopo long Janueri 13th, 2013 ENB provinsel administresen i tokaut long en las wik.

Provinsal Administreta Akuila Tubal i tok nem bilong dispela sikspela man em:

1. Aaron Maramun-LLG Edvaisa
2. Fidelis Bola-Bosman long Pablik helt

3. Lucas Lotu-Provinsal Enginia
4. Mosbi Matane-Distrik rot supavaisa
5. Matalau Kelly-Bot Opereta; na
6. Smith Robin-Boskru long bot.

Mista Tubal i tok ENB provinsel administresen, wantaim helpim bilong nesenel maritaim sefti atoriti, Australian ami i stap long Dawin na ol bisnis haus long Kokopo tu i helpim long painim ol.

Moa yet em i tok olsem ol i painim ol i go long solwara bilong

Milne Be, na i go moa long boda mak bilong Solomon Ailans, Wes Nu Briten, Nu Ailan, tasol ol i no inap long painim ol.

Mista Tubal i tok ol i no stopim wok bilong painim ol.

Moa yet em i tok ol i daunim liklik lain tasol bai wok long painim ol arere long ol nambis long Pomio na arapela hap long ENB.

Em i tok tenkyu long ENB samba ov komes na ol saina komuniti long ENB long givim helpim long taim hevi i kamap.

Oposisen bai salensim malolo taim senis

OL lain Oposisen long Papua Niugini i toksave pinis olsem ol bai salensim senis long mama loa long kot we nau i apim taim bilong lukautim praim minista long noken bungim vot i nogat bilip.

Dispela senis long mama loa i bin isi tru long kisim sapot long namba tu taim long palamen long Tunde dispela wik, we i bin surukim taim em bai lukautim praim minista long 18 i go inap long 30 mun.

Dispela senis ol i bin tok orait long en long

palamen wantaim 90 memba i sapotim, na 14 tasol i vot agensim.

Lida bilong Oposisen, Belden Namah, i bin tok pati bilong em nau bai salensim tru tru bilong dispela senis.

"Mipela bai failim suprim kot refrens, bikos mipela i luksave olsem dispela amenmen, ol i no mekim stret," em i tok.

"Insait long gasetal notis, ol i rausim namba 18 na senisim wantaim 30 - ol i no tok dispela em i loa i stap nau, na bihainim kamapim nupela loa.

"Olsem na long stat yet, ol i bagarapim pinis wok konstitusen".

Dispela vot nogat bilip i save kamap olgeta taim long politiks bilong PNG, na Praim Minista Peter O'Neill i bin tok dispela senis bai stretim gut strong bilong wok politiks long kantri, na larim gavman long lukluk long bringim ol sevis na mekim ol polisi em i gat long karim kaikai.

Mista Namah i tok bikipela tingting long dispela senis em long holim Praim Minista Peter O'Neill i stap

olsem lida, na dispela inap kamapim gavman nogut.

"Tude, em i wanpela wari de tru long histori," em i tok. "Oposisen bai pait makim yu, nogat pret, bihainim wanem loa rot i stap.

"Sapos mipela i win, we mi bilip, wantaim strong bilong Go papa, yumi ken mekim, bihainim strong bilong konstitusen, taim mipela i rausim dispela loa, na mipela i go bek long step wan, Praim Minista i mas risain - Peter O'Neill i mas risain." Namah i tok.

Lesman bai raus: PM

OLGETA lida insait long olgeta wok bilong gavman, i mas mekim wok. Sapos ol sinia gavman opisa i no inap long mekim wok gavman i askim em long mekim, gavman bai rausim ol long wok.

Praim Minista Peter O'Neill i givim dispela tok lukaut long Mande dispela wik, taim em i

toktok long olgeta gavana, administreta na pablik sevis bikmanmeri, olsem gavman i no laikim ol lesmanmeri long sindaun nating insait long ol opis bilong gavman.

"Sapos yu ting dispela toktok em bilong kirapim skin bilong yupela liklik, em yu asua pinis. Dispela toktok em

long tokim yupela olsem sapos yumi no mekim senis nau, em bai yumi popaia pinis," Mista O'Neill i tok.

Em i tok dispela yia, wok bilong karimaut olgeta plen aninit long 2013 Baset em i bikipela samting, na em i wanpela salens pablik sevis i mas wok strong long inapim.

Sapos ol i no inap long mekim dispela, gavman bai rausim ol lesmanmeri, na makim ol manmeri i ken wok.

"Dispela kain pasin bilong banisim gut ol wantok, wanfamili na poroman husat i no inap mekim gut wok, nau, long dispela gavman, bai nogat olgeta."

UNHCR: Manus banis no orait long ol pikinini

REFUJI Ejensi bilong Yunaitet Nesens (UN), UNHCR, i tok Asailam Sika Prosesing Senta long Manus provins, i no gutpela long ol pikinini long stap, na i no givim inap luksave long hevi bilong ol asailam sika manmeri i stap long hap.

UNHCR i bin raun i go long Manus Ailan long Janueri 15-17 long sekim sapos Australia na Papua Niugini i wok karimaut ol wok luksave aninit long 1951 Refuji Konvensen, sekim rot bilong kisim ol asailam sika long Asesmen Senta, na bung wantaim ol opisal na sevis provaida, wantaim ol asailam sika yet long harim wanem ol wari



ol i gat.

Namba wan bikipela samting UNHCR i painim, em pulim bilong taim bilong sekim na tok klia long refuji mak bilong ol lain pipel i no bihainim taim mak Australia i bin givim

taim em i salim ol refuji i kam long PNG.

Narapela samting em i tokim tupela kantri long mekim kwik, em long surukim ol pikinini na famili lain husat i kisim tok orait pinis long sait bilong

helt, long muv i go long wanpela open senta ples we ol i ken sindaun gut.

Long NEKS WIK: MANUS ASAILAM SIKA SENTA - BIPO NA NAU!!

Birthday Greetings

Happy Belated 1st Birthday Greetings to our princess

Joye Maria Niniku

DOB: 04th February, 2012

Much, much love and hugs from the Ninikus & Yukis + moimoi of Waigani Heights; Alaus + Garfield, Snares & Ghughu; Sakettes + Aewa, AnewaBay, Milomilo, Nilpis & Ang; Gamis + Totut, Lapus + Stoney - all of Erima, NCD. Lovey lovey also from your buddies - Tjangau, Bryson, Mona & Masiannus.

LUVIM YU PLANTI PLANTI.....

"May God bless, protect and guide you always"

AGMARK MACHINERY

JCB

FOR ALL YOUR MACHINERY NEEDS

SIMPLICITY BY DESIGN

- 3CX - 4CX BACKHOE LOADERS
- JS200C SC HYDRAULIC EXCAVATOR
- SMOOTH - PADFOOT DRUM COMPACTORS
- TELEHANDLERS
- ROUGH TERRAIN 4WD FORKLIFTS

machinery@agmark.com.pg

PORT MORESBY 323 5572 | LAE 472 6324 | KOKOPO 982 8748

Wok bung long daunim lo na oda: Jas

Bustin Anzu i raitim

WANPELA sinia Nesenel na Suprem Kot Jas long Lae i mekim strongpela toktok long strongim wok bilong daunim hevi bilong lo na oda em wok bilong olgeta manmeri na i no ol polis tasol.

Sinia residen Jas long Lae, Jastis Sao Gabi i mekim dispela tok tok bihain long opim bilong Ligel Yia long Lae long dispela wik Mande.

“Long daunim ol hevi insait long kantri, em i no wok bilong polis olsem planti manmeri i save tingting long en, nogat. Em wok bilong olgeta manmeri insait long kantri. Yumi olgeta mas sanap wantaim na daunim hevi na mekim ples i orait long mipela yet long stap.

“Mipela mas wok bung wantaim long kamapim wanpela sosaiti we em bai fri long trabel na mekim laip i isi long stap,” em i tokim ol lain manmeri insait long ligel fraterniti long Gateway Tabernacle long Wan Mail long Lae.

Narapela Wanwok bilong Jastis Gabi, Jastis Murray, big bos bilong polis long Momase na Asisten Komisina bilong polis, Allan Kundi, na sinia Provinsel Mejistret Posai Poloh, namba tu na olpela bos bilong Lae siti polis Seif Superintenden Nema Mondiai, nupela bos bilong Lae polis Superintenden Iven Lakatani, na Provinsel Polis Komanda bilong Morobe Superintenden Leo Lamei, i bung long dispela taim.

Ol pablik na praivet loya insait long Lae, ol narapela wokman meri bilong lo na Jastis sekta i bung long makim opening bilong ligel yia long Morobe Provins.

Polis na CIS i bung na putim wanpela pereid we Jastis Gabi i inspektim na bihain pulim ol lain igo insait long Church Service City Gate Tabernacle.

Lae i bin joinim ol narapela hap provins long makim ligel yia opening we ol wok bilong Kot Haus insait long kantri bai igo het long mekim wok bilong ol long harim kot na mekim disisen.



SEKIM: Jastis Sao Gabi i inspektim pereid long Church Service City Gate Tabernacle long Lae long Mande. – *Poto: Bustin Anzu*

Jisas em namba wan lo man

Bustin Anzu i raitim

JISAS yet i bin kamap namba wan man bilong mekim lo na strongim dispela lo taim em i stap long dispela graun. Jisas i bin tok em i kisim tok orait na kamap atoriti long lukautim Heven na Graun wantaim.

Taim Pasto Peter Igarobae i tokim ol save manmeri bilong lo long opening bilong ligel yia long Lae long Mande, em i tok dispela lo we Jisas i bin telemautim long wokabaut bilong em long dispela graun, dispela lo em ol wok long bihainim.

“Dispela lo nau yumi holim na bihainim em yumi i bin kisim long Jisas. Yumi save olsem ol polis i go pas long banisim na bringim ol lain nogut igo long Jastis i mekim save long ol manmeri husait i no bihainim dispela lo, igo kisim taim.

“Tasol dispela wok Jisas i mekim em i bin tok long em i kamap atoriti long Heven na Graun, dispela em yumi mas bihainim,” em i autim tok olsem.

Tupela Lae Jas, sinia Jastis Sao Gabi na Wanwok Jacinta Murray, sinia Provinsel Mejistret Poloh Posai na big boss bilong polis long Momase na Asisten Komisina bilong Polis Allan Kundi, namba tu bilong em Seif Superintenden Nema Mondiai, bos bilong Lae Polis Superintenden Iven Lakatani na Morobe Provinsel Polis Komanda Superintenden Leo Lamei i bung long dispela dei.

Ol pablik na praivet loya na ol narapela wokman meri bilong lo na Jastis Dipatmen long Morobe i soim pes long dispela bikpela kibung long Mande.

Pasto Igarobae, husait papa bilong em wanpela brukim bus polisman na spendim planti taim bilong em long Sauten na Hela provins i tokim ol kot lain olsem yupela i antap long wokim ol disisen tasol olgeta taim mas tingim olsem Jisas yet em namba wan konstitusen bilong lo na dispela em long tok bilong God long buk Baibel.

Em tu i tok long sios na gavman mas wok wantaim long kamapim gutpela sindaun insait long kantri we ol manmeri bai amamas na kamapim kantri bilong ol.

Em i tok planti taim ol narapela lain autsait long kantri i save kam o laik kam long kantri bilong ol tasol ol i save poret long wanem, lo na oda i no save stret tumas. Na ol nau mas bung olgeta taim, ino olsem nau ol i bung tasol olgeta dei.

Dispela em namba wan taim dispela haus lotu i bungim ol lain bilong lo na Jastis sekta long opim bilong nupela ligel yia.

Apply Now for a BSP School Fee Loan!

- ✓ Fast loan approval
- ✓ Competitive interest rates
- ✓ Flexible repayment terms



Call us on 320 1212 / 7030 1212 Visit www.bsp.com.pg Email servicebsp@bsp.com.pg

TELE Apdeit

TELIKOM
NSL SISEN
2013

Nesenel Soka Lig Sisen i on gen long 2013 na yu ken kamap wanpela long tripela wina long winim wanpela riten tiket long lukim Manchester United FC i bungim ol A-League sta bilong Australia long dispela mun Julai long Sidni, Australia. Spendim K200 o moa long baim eni nupela Telikom prodak long wanem ol Telikom Bisnis Opis, na go insait long droa long winim:

- Wanpela Gem Pas;
- Wanpela Riten Balus Tiket i go long Sydney;
- Rum slip bilong tupela nait; na
- Travel Alawens

Bringim famili na amamasim ol soka pilai long Sir John Guise Stadium long Pot Mosbi, o Sir Ignatius Stadium long Lae. AIM HAI!

GO BEK LONG SKUL

Top ap wantaim K20 o moa long wanem ol Telikom pripeit prodak na go insait long droa long winim kes prais bilong K500 olgeta wik.

Olgeta wik, mipela bai droim tenpela laki wina.

Namba wan bikipela prais em i wanpela lep-top na intanet dongle wantaim 300MB.

19t long wan MB

Amamas wantaim 19 toea ofik intanet ret long 7kilok nait i go inap 7kilok moning, na i nogat samting long en.

Fri 300MB Daunlot

Baim wanpela intanet dongel long K99, wantaim FRI 300mb Daunlot.

4G WiMax ofa

Kisim 1GB FRI Daunlot long olgeta 4G WiMax yu baim long K499, na lukim spit bilong namba wan 4G WiMax long PNG.

Long save moa, ringim 24/7 Kastoma Kea long 3456789.



Niuspepa man win wantaim Telikom



EDITA bilong *Wantok Niuspepa*, Neville Choi i bin namba wan wina bilong Telikom NSL Hait na Sik promosen we i bin kirap long 97.1 Hot FM long wik i go pinis.

Neville i winim K200 na wanpela Citifon handset taim em i painim Telikom Kes Bal ol i haitim long wanpela sikret ples, na givim ol hait tok long 97.1 Hot FM long stiaim ol man long painim.

Hait tok we Neville i bihainim em 'where value is in the center'.

Em i harim Hot FM na bihainim i go daun long Super Value Stores (SVS) Haba Siti, we em i painim bal ol i haitim long gras long kapak.

Promosen em Telikom i bin mekim long redi long lonsim bilong Telikom Nesenel Soka Lig Sisen las wiken.

Ol tisa bai leit long Is Nu Briten

Michael Novingu
i raitim

SKUL yia long Is Nu Briten bai stat long dispela wik, na nogat samting bai pasim.

Bosman bilong Edukesen long ENB, Pius Gawi, i tok olsem skul bai stat long dispela wik.

Sampela skul bai nogat ol tisa

bikos Tokua ples balus i pas long wanem Maunten Tavurvur i tromoi das na stopim ron bilong ol balus i go long hap.

Mista Gawi i tok, "Mipela bai no inap long givim mekimsave long ol tisa i no stat wok long Janueri 28. Moa yet, em i tok olsem Tokua ples balus i pas, na mekim hatwok long ol tisa long kam na statim wok long taim.

Em i tok ol tisa i stap long ol ailan na long ol nambis skul, "Mipela i no inap long givim ol mekimsave, bikos long hevi ren na taim nogut i kamap long solwara long dispela taim.

Gawi i tok, "Mipela i no hariapim ol dispela tisa long go bek kwik long ol skul bilong ol, bikos sefti bilong ol em i bikipela samting.

Mista Gawi, long wanpela pas i go long ol skul long ENB, i singaut long

ol skul long noken sasim ol skul fi long ol sumatin long peim skul fi. Moa yet, em i tok ol projek fi, ol i mas sasim kam daun long K200, na i no K200 na i go antap.

Em i tok ol skul i sasim projek fi i mas sabmitim o givim ol skul projek bilong ol i go long ENB provinsal edukesen bod long ol kain projek ol i laik wokim long kisim tok orait pas-taim long projek i go het.

Kas laik strongim ol vokesenel skul long Madang

James Kila i raitim

GAVANA bilong Madang, Jim Kas i tokaut olsem provinsal gavman bilong em insait long 2013 baset o mani-plen bai givim moa luksave na sapotim ol vokesenel skul insait long provins.

Gavana Kas i tok ol vokesenel skil trening bai strongim humen risos na ol prektikol save manmeri long wokim ol prektikol skil wok long lukautim sindaun bilong ol yet na tu, wok insait long ol bikipela risos developmen projek nau i wok long kamap long provins.

Long strongim dispela tingting bilong Mista Kas, em bai wok strong long sapotim vokesenel skul tren-

ing insait long provins long ol yia i kam, taim em i stap gavana yet.

Gavana Kas i bin tokaut long plen bilong em taim em i tokaut long Madang Provinsal Baset bilong 2013 long tupela wik i go pinis.

Em i bin tokaut long dispela baset toksave bilong em long NBC Redio Madang long ol pipel bilong Madang provins long Niu Yia gritings bilong em.

Mista Kas i tokaut olsem long 2013 provinsal baset o mani-plen bilong em, em i putim K12milien long sapotim vokesinol trening na ol vokesinol skul insait long provins.Em i tok klia olsem Madang

provins i wok long lukim olsem planti ol lain husat i lusim skul i no gat save long mekim ol teknikal wok na planti i raun nating nating na kamapim ol hevi nabaut. Olsem na em i laik helpim ol vokesenel skul long trenim ol yangpela manmeri olsem ol skul liva long lainim ol tred skil long wok mekanik, kapenta na ol narapela tred wok.

Mista Kas i tokaut tu olsem long pastaim planti ol skul i save givim moa luksave long redim ol sumatin long go wok long opis tasol na planti taim ol sumatin i no save gut tumas long prektikol wok long holim tuls long sait bilong vokesinol skiks trening.

Ol NCC woklain makim Westpac

OL woklain bilong Nesenel Kalserel Komisin (NCC) i bin gat sans long makim wanpela komesel benk long wokim benking bilong ol.

Na ol bin makim Westpac Benk long benk wantaim.

Taim Westpac Benk i raun kari-maut ol wok awenes bilong em long kisim ol kastoma, ol bin go long het-kota opis bilong NCC na ofaim ol prodak bilong ol i go long ol wok manmeri.

Sampela long ol prodak we ol bin lonsim em i tagetim ol grasrut pipel olsem ol lain i save maketim buai, ol gaden kaikai, ol pres kumu na ol prut long ol maket long taun na ples, na ol i nogat wei long benkim mani bilong ol na wokim ol liklik seving bilong ol.

Wanpela wokmeri bilong benk, Dorothy Jarrick i tok wanpela as tingting ol i karimaut dispela awenes wok em i bilong go aut long ol man merii nogat akaun na ol bai opim ol akaun bilong ol.

"Mipela i laikim ol long lukim nupela prodak mipela i lonsim tasol na dispela em long "Choice Basic", Ms Jarrick i tok.

Em i tok Choice Basic akaun i karim 50 poin na dispela i min olsem ol manmeri i ken opim akaun wantaim K2, na sevim samting olsem K10,000.

Em i tok as tingting long watpo ol i makim NCC em bikos benk i lukim ol woklain olsem ol i ken kamap ol kastima bilong em na olsem, ol bin askim ol long karimaut ol awenes

bilong ol long hap.

Planti woklain bilong NCC i laik save long ol sevis we Wrestpac Benk i ofaim, na planti long ol opisa im bin kisim ol fom long pulumapim na opim ol nupela akaun bilong ol.

Mis Jarrick i tok sampela ol gutpela samting we ol manmeri i ken kisim wantaim Choice Basic Account em bai nogat fi long wan wan mun, na tu, nogat fi long ol akaun we longpela tai mol kastoma i no putim mani i go insait long ol.

Tasol ol bai rausim K1.50 sapos ol i yusim EFTOS na ol ATM masin.

Ol wok manmeri bilong NCC nau i gat sans long wokim benking long wanpela komesel benk we i ofaim ol bes prodak bilong ol.

Niugini Ailans i
nidim maining
long solwara:
Tiensten

WANPELA nesenel palamen memba long PNG i askim gavman i larim maining kompani Nautilus Minerals i go het wantaim Solwara 1 projek bilong painim gold, zink na kopa.

Dispela projek i stop liklik long wanem PNG gavman na Nautilus Minerals i nid long stretim ol tok-tok long mani gavman i ken putim long ol se bilong en na arapela wok long main.

Memba bilong Pomio distrik long Is Nu Briten provins, Paul Tiensten, i tok ol Is na Wes Nu Briten pipel na Niugini Ailans rijen i nidim projek we i ken bringim mani, developmen na sevis i go long ol.

Em i tok nau yet, ol arapela tripela Hailans, Sauten na Momase rijen i gat ol risos projek olsem oil, ges na gold, na taim ol memba long NGI rijen i putim sabmisen long projek, i nogat inap mani long paus bilong gavman.

Mista Tiensten i tok maski bai gat sampela hevi long busgraun na wara, benefit o mani ol bai kisim long Solwara 1 projek bai bikipela long bihain.

Pren bilong olgeta, na no birua bilong wanpela

Laip long dispela militari level em i olsem tupela o tripela dok i wok lukluk na putim was long wanpela bun. Na taim wanpela i traim long kisim bun, olgeta arapela i sanap redi long pait na stopim em tasol.



DISPELA hap tok, em i as tok bilong foren polisi bilong Somare gavman long taim bilong 'self gavman' long eli 1970s, pastaim long kantri i kisim independens. Na long dispela taim, foren minista bin leit Sir Ebia Olewale. Mipela i harim stori olsem gavman nau i bihainim dispela hap tok tu olsem as bilong foren polisi bilong en, long Alotau, pastaim long fomesen bilong gavman las yia.

Foren polisi bilong gavman em i as tru bilong domestik polisi i stiaim pasin poroman wantaim wanpela arapela kantri. Na wantaim ol kain kain pasin bilong laip long intanesenel sindaun, em i wanpela bikipela subjek tru long tok tok long en, olsem na yumi no inap yusim wanpela kain bikipela het tok olsem dispel antap, olsem wanpela foren polisi, na wokabout aipas i go insait long ples bilong pilai. Wanwan subjek bai nidim kain kain tritmen na luksave, na i no inap long pundaun aninit long wanpela tok tasol, na lus tingting long en.

Olsem tasol, ol intanesenel wok aninit long Merchant Shipping Act bilong 1894 (UK) we mipela i bihainim long taim bilong independens. I gat kain kain ol Konvensen we i hap bilong dispel hap loa, we i askim mipela long bungim aninit long ol domestik loa bilong mipela bilong bihainim. Wanpela askim long dispela taim em long senis long hevi disel (kabon 300) i go long lait disel (kabon 500) we em i gutpela moa long busgraun na wara, na mipela aipas na laisensim Interoil long produsim hevi disel we intanesenel komyuniti i bin lusim long taim yet, na nau ol i yusim lait disel. Ol ensin bilong ol nupela sip tu, em ol i disainim bilong kukim lait disel, na we mipela i sanap long dispel samt-

ing, taim mipela i wok long rau-nimraunim yet i stap na singsing, "pren bilong olgeta, na no birua bilong wanpela"?

Mipela i stap baksait tru long laik bilong stap wantaim intanesenel komyuniti. Tritis divisen bilong Dipatmen bilong Foren Afes i mas go pas long wok wantaim Dipatmen bilong Jastis na Marin (Solwara) Divisen bilong Dipatmen bilong Trensport long sanapim wanpela wok komiti long glasim gen sanap bilong mipela na wok i go strongim wok komplaiens bai mipela i painim posisen we mipela i sanap long en, wantaim ol intanesenel wok olsem kantri.

Na long sait bilong Difens, mipela i stap we? Mipela i gat wanpela difens triti wantaim Australia, Nu Silan na US, o nogat? Na wanem pasin pren bilong mipela wantaim Indonesia, Singapore, Malesia na Filipins na ol kantri bilong ASEAN long sait bilong Difens? Na sapos mipela i redi agensim wanem kain pasin pait, orait, em bai kam olsem long Wes Papua rebel pait, we Papua Niugini bai mas go insait long pait bikos Papua bai yusim PNG sait bilong boda olsem ples bilong hait na kisim strong.

Dispela em i ples we polisi tude bilong Papua Niugini long luksave long West Irian o Wes Papua olsem wanpela hap bilong Ripablik bilong Indonesia em i gutpela? Taim mipela i pilim pen bilong ol brata Melanesia long hapsait bilong boda, histori bilong mipela i tok, na mipela i mas luksave olsem Ripablik bilong Indonesia i gat strong moa long teritori bilong en, we i karamapim tu West Irian na dispela luksave i mas is tap long intanesenel level, na tu, domestik level.

Tasol dispela i no min olsem mipela i mas pilai olsem wanpela aipas long sait bilong ol hevi Indonesia i givim long ol turangu pipel bilong West Irian.

Sapos mipela i lukim evidens long paul pasin ol i mekim long ol dispela pipel, mipela i mas sanap long wanpela sait tasol, bihainim trupela bel na tingting, na i no long UN Sata bilong Humen Raits tasol. Em long asples bilong yumi stret, we ol brata Melanesia bilong mipela em mipela i no inap long kisim birua na hevi, na mipela i mas tokaut long belhevi mipela i gat.

Olsem na pren pasin bilong mipela wantaim Indonesia em i triki liklik, bikos i nogat narapela nem bilong en. Olsem na wanem samtting mipela i mekim, i mas bihainim planti tingting na graunwok bikos subjek em i ken pulim bikipela hevi. Indonesia em i kantri i gat planti tausen ailan we bikipela bilong ol i no winim Nu Briten o Nu Ailan, olsem na loa na strong bilong ol dispela ailan i nogat namba bilong en. Na long Filipins, ol i gat wankain hevi na dispela i strong moa long ol kros ol Moslem i mekim long wanwan ol liklik ailan.

Samting ol dispela toktok i mas tokim mipela em, wanpela wan-solwara bilong mipela is tap long 'militari alet' o i save redi tasol long eksen na daunim wanem kain kros na pait tingting i kamap long wanwan ol grup.

Lukluk long Japan, Saina, na Saut Korea na lukim wanem i save kamap taim wanpela fising bot i plaim wanpela nesenel flek na nevi bilong narapela kantri i go antap long en na arestim ol fisaman. Laip long dispela militari level em i olsem tupela o tripela dok i wok lukluk na putim was long wanpela bun. Na taim wanpela i traim long kisim bun, olgeta arapela i sanap redi long pait na stopim em tasol.

Tru tumas, stretpela tingting bai tokim mipela ol lain i sanap lukluk long sait, olsem em bai mobeta sapos ol dispela kantri i bung wantaim long tok paitim wanpela triti long luksave long ol ailan olsem i gat gavman i lukautim ol, na sapos ol i painim wel o arapela netseral risos, bai ol i wokbung long rausim long graun, na tilim ol winmani bilong en. Tasol ol dispela develop kantri no save laik sindaun na tokpaitim. O li laik pait na win tasol. Maski long manimak bilong pait bilong ol?

Yu bai laik askim: Olsem wanem long manimak bilong en? Tasol manimak em i no wanpela samtting. Samting we i bikipela, em "nesenel praid o bilip long kantri" bilong wanwan ol kantri na ol bai go long bikipela pait tasol long liklik kantri na i nogat wanpela kostim bilong en.

Planti long mipela i ritim long buk na lukim long ol muvi piksa o TV skrin long ol Kamikasi pailot bilong Siapan i save kresim balus feita balus bilong ol long bikipela woa sip bilong Amerika long Seken Wol Woa.

Sapos dispela em i kain tingting bilong ol pipel mipela i wok pren wantaim, orait, mipela i mas was gut long wanem kain samtting mipela i wokbaut i go long en taim mipela i kamapim pasin pren wantaim ol long domestik na intanesenel level. Yumi mas skul gut long histri bilong ol, kalsa bilong ol, wanem ol lotu ol i bihainim, ples ol i stap long en, bai mipela i save gut long ol, na wanem samtting i save laitim paia long bel bilong ol.


Yumi gat wanpela kain oge-naisesen i stap olsem Indonesia Think Tank olsem hap bilong military na foren afes bilong en? Nogat. Yumi nogat. Mipela i ting olsem mipela i mas lukluk gen long Nesenel Risets Institut (NRI) na kamapim insait long NRI, wanpela oge-naisesen i ken mekim dispela wok bilong toksave long mipela na ol pipel, long ol arapela kantri mipela i save toktok na wok wantaim.

Long Saina, husat em i namba wan bikipela treding patna mipela i gat nau, mipela i mas mekim. Ol Saina i mekim gut long kantri bilong yumi, na i gat planti gutpela as wok bilong ol. Saina i go pas long halivim kantri long sait bilong givim mani na bildim ol bikipela infrastraksa projek olsem Sir John Guise Spot Kompleks long Waigani. Ol dispela bikipela samtting bilong wok halivim na bilong "lukim na bilip", planti manmeri i lukim ol dispela ol 'presen' watnaim tok tenkyu na luksave long ol Saina na i gat strongpela wanbel tingting pren wantaim ol Saina manmeri long olgeta sait.

Taim yu lukluk long histri bilong mipela long ol Yurop kantri, mipela i lukim tu olsem Saina man i sanap namel long ol na klinim ples bilong waitman. Olsem na i gat sampela kain pasin pren i stap wantaim saina-man. Na long sait bilong komyuniti, i gat gutpela pasin pren namel long ol Papua Niugini na Saina manmeri.

Tasol hamas stori tru long Saina, yumi save long en? Saina em i no wanpela lain manmeri tasol. Ol i gat kain kain man husat i kam long kain kain ples na stori, na kain kain kalsa, na ol i sanap aninit long wanpela ambrela. Na wane mi mekim Saina long mak em is tap nau? Na taim yumi stat prenim Saina wantaim Look North Polisi, mipela bin redi long ol samtting yumi gat nau?

Dia ridas, sapos yu gat wari o liklik toktok long kolum bilong Sabina, email kam long: editorial@wantok.com.pg



FM100
PNG's Information & Music Leader

**NASFUND FM100
TALKBACK SHOW**
MONDAY - FRIDAY 9AM - 12PM

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DINODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NGO 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.3	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAIWUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

FRIENDS TO ALL ENEMIES TO NON!

Life at that military level is like that of two or three dogs watching a single bone and when one makes the attempt for the bone, all the others are on their feet to prevent that from happening.



The above was the slogan cum foreign policy was pushed by the early Somare Government during the period of "self government" in the early seventies before independence. And at that time the foreign minister was the late Sir Ebia Olewale. We are told that the present government has adopted the above slogan as a basis for its foreign policy in its meeting at Alotau just before formation of the government last year.

A country's foreign policy in essence that particular country's domestic policy on how it ought to conduct or culture its relationship with a foreign country. And given the multi facets of life on the international scene, it is quite a complex subject to deal with so that one cannot easily adopt a slogan such as the above as a foreign policy and blindly walk into the arena. Each subject matter would require a different treatment and cannot be given the same label and then ignored.

Take for instance, international obligation contracted to under the Merchant Shipping Act of 1894 (UK) which we adopt upon Independence. There are numerous Conventions which are part and parcel of this piece of legislation which require us to incorporate into our domestic legal order for enforcement as part and parcel of our domestic ways. One such requirement at this moment is the switch from heavy diesel (carbon 300) to light diesel (carbon 500) which is more environmental friendly, and ignorant as we are, we licensed Interoil to produce the heavy diesel that the international community has abandoned in favour of the lighter diesel. The newer ships engines too are now designed to burn lighter diesel and where are we on this subject as we do the -merry-go-around singing, "friends to all and enemies to non?"

We are way behind and lag-

ging in our endeavour to keep pace with the international community. The treaties division of the Department of Foreign Affairs should take the lead to liaise with the Department of Justice and Marine Division of the Department of Transport to put in a place a working committee to review our position and work towards ensuring compliance so that we reach a position where we are up to date with our international obligation as country.

And in matter of Defence, where are we at this moment? Do we have a Defence Treaty with Australia, New Zealand and US? And what is our relationship with Indonesia, Singapore, Malaysia and the Philippines and the Asean Community at large on the matter of Defence? And if we are to be prepared against any aggression then most likely it will come by way of West Papua Rebellion where Papua New Guinea will be unwillingly dragged into the conflict because the Papuan will be using PNG side of the border as a safe haven.

This is where the present policy by Papua New Guinea to recognize West Irian or West Papua as an integral part of the Republic of Indonesia is relevant and to an extent highly appropriate. Whilst we may sympathize with our Melanesian brothers at the other side of the border, we are bound by history which we cannot ignore and must recognize that the Republic of Indonesia has sovereignty over its territory that includes West Irian and that is the life that must be respected at both the international level and also the domestic level.

However, that does not mean that we must play the blind when it comes to mistreatment by Indonesia, if any, on the West Irian people. If and when we sight evidence of any mistreatment of these people, we must adopt a position, dictated by our conscience and tell Indonesia in no uncertain terms that we disapprove based not only on the UN Charter on Human Rights but more closer at home, these are our Melanesian brothers and we cannot ignore their being mistreated and that way we must voice our dissent in no uncertain terms.

This is why our relationship

with Indonesia is a rather tricky one, for lack of a better statement. This where in anything we do we must be preceded by a lot of thinking and ground work because the subject is rather delicate. Indonesia is a nation of a thousand islands or more no larger than New Britain or New Ireland thus its rule over these islands is rather tenuous at that superficial level. And also face the similar problem and this has been exacerbated by the Moslem uprisings on different islands.

What the above must tell us as a close neighbour is that these countries are "militarily alert" to switch into gear and move into action to quell and major uprising by any single group should the individual country's sovereignty be threatened in way of form and from any source be it internal or external.

Just take a look at Japan, China and South Korea and see what happens when a fishing boat flying one national flag is boarded by the navy of another country and fisherman are arrested and taken ashore? Life at that military level is like that of two or three dogs watching a single bone and when one makes the attempt for the bone, all the others are on their feet to prevent that from happening.

Surely, common sense would tell us bystanders that it would be a more plausible scene if these countries were to meet together to trash out a Treaty of sorts to recognize the atolls as jointly owned and if any natural resources like oil were found, that would be jointly exploited and all benefits shared. However, these highly developed countries do not want to talk about it. They want to fight and win by conquest but what about the costs involved?

You would want to ask: What about the costs? But costs is irrelevant. What is irrelevant is "the national pride" of each such country and they will go to full scale war over a tiny atoll to exert that national pride and national pride knows no boundaries and no costs or obstacles. Many of us have read about it in books and seen movie scripts on our TV screens of the Japanese kamikaze pilots crashing their planes on the American Battle Ships during the Second World War.

If this is the kind of mentality of the people we are dealing with then we must caution ourselves of what we are walking into when we are cultivating a relationship with these countries both on the domestic scene and in the international frontier. We must study their history, their culture including their religions and their geography to understand what makes these people who are and what must make them tick.

Do we have such an Organization in place like the Indonesia Think Tank as part of its military and foreign affairs establishment? No we do not have. We suggest that we take another look at the National Research Institute (NRI) and incorporate into NRI, a related establishment to undertake such a role to inform ourselves of people of the other nations that we are dealing with.

Take China for instance, which is by far the biggest trading partner that we now have. The Chinese has done well in this country and it is not without good cause. China has been at the forefront when it comes to the assistance of this country in terms of funding and building of major infrastructure projects like the Sir John Guise Sporting Complex at Waigani. These are highly visible forms of assistance and given that "seeing is believing," many people view these "gifts" with gratitude and appreciation of the Chinese and there are genuine feelings of friendship with the Chinese nationals on all fronts.

When you look at our own history of exposure to the European, we also sighted the Chinaman among them doing menial tasks like cooking and cleaning also for the Whiteman. So there is some form of bonding with the typical Chinaman. And so the social scene, there is open friendship between Papua New Guineans and Chinese.

But how much of China do we know? Again China is not a single race of people. They are a multitude of races who come from different background and different cultures to come under one umbrella. And what makes China what it is today? And when we began courting China with our Look North Policy, were we prepared for what we now have?

Ol meri bai holim pablik bung

David Bill Leo i raitim

OLGETA meri long Nesenel Kapitел Distrik bai holim wanpela pablik bung o forum long salensim Minista bilong Komyuniti Developmen na Yut na Rilijen, Loujaya Toni husat i tok agensim 22-pela risev sit bil bilong ol meri long palamen.

Kaunsel bilong ol meri long NCD i ogenaism dispela forum long Waigani ausat long Haus Paliemen taim palamen i sindaun long namba wan miting long yia 2013.

Askim i go long olgeta profesenel meri long kam na mas i go na askim palamen long rausim Minista Toni.

Ol meri i no amamas long

toktok bilong Toni long EMTV proqram long Sande olsem na ol i tok olsem Misis Toni em wanpela kain meri i bosim em yet na l no save tok olsem memba bilong ol.

President bilong NCD meri kaunsel, Maria Andrew i tok, “em (Toni) i no save harim tok long wanpela na sapos em i manesing dairekta bilong wanpela kampani, em ken inap long wokim 1-men disisen bikos em kampani.”

Andrew i tok olsem minista bin tok olsem em i no sapotim 22-pela risev sit bil bilong ol meri long tok piksa proqram em i bikpela bagarap long ai bilong ol meri na ogenaism husat i hat wok long 4-pela krismas olgeta long karim 22-pela

risev sits bil go long flo bi-long palamen.

Mausmeri bilong Pot Mosbi Sauts LLG, Ethel Sandery i tok olsem Misis Toni bin tok long rausim Mis Solomon olsem ekting sekreteri long dipatmen em i no orait long loa na i agensim nesenel kot oda we luksave olsem Mis Solomon em ekting sekreteri.

Em i tok, “minista mas tingim gut olsem wok bilong em long mekim polisi na i no long karimaut polisi na em i no wok bilong em long makim o rausim ol bos long dipatmen.”

“Tasol dispela wok stap namel long Pablik Sevis na NEC olsem na minista mas no ken go stret long rot we mekim save aninit long pablik sevi.”

Wimen in Politik sapotim Ela Pis maket

Veroniuca Hatutasi i raitim

PIS maket bai givim wok na mani i go long ol mama, ol yut na ol lain i save sapotim dispela eria, bosmeri bilong ol Meri long Bisnis, Janet Sape i tok.

Misis Sape i tok olsem bihainim ol plen we Mosbi Saut Memba na Spots, Saut Pasifik na Nesenel lvents Minista, Justin Tketchenko i gat long em long statim wanpela pis maket long Ela Nambis long Mosbi.

Wantok i no bin nap long kisim moa toktok long Minista Tketchenko na ol opisa bilong em long dispela samting, tasol Misis Sape i

sapotim plen bilong sanapim nupela pis maket long Ela Nambis bikos ples i seif na i gat ol samting i stap pinis ol maket lain i ken yusim, na tu, bai helpim kamapim moa wok na mani.

“Wimen in Bisnis i sapotim kamap bilong dispela maket long Ela Nambis long wanem, hap we ol i laik wokim pis maket i gat ol toilet pinis, em i seif long ol meri na pikinini, ol lain i salim ol samting na ol lain i go baim ol pis samting. Na ples i klinpela na nais.

“Pis maket bai kamapim moa wok long ol pipel bilong yumi. Na mi laik strongim ol pisaman long go aut long solwara na painim pis bilon g famili i

kaikaim na long salim. I nogat banis o tambu i stap long painim pis bikos solwara i op na nogat man bai putim tambu long man painim pis long wanem hap.

“I gat planti pis na ol abus bilong solwara i stap we ol pisaman na ol narapela pipel i ken kisim na salim long kisim mani long em,” Misis Sape i tok.

Em i tok i gutpela moa tu sapos ol i mekim wanpela sentrel ples long Nesenel Kapitел Distrik we ol lain i salim pis i ken maket long en.

Sapos Ela Nambis pis maket i kamap, dispela bai helpim ol pisaman bilong Fisamens Ailan na ol narapela pipel bilong ol nambis ples long Motu na Hula.

Raun Lukim Ol Meri na Pikinini...



TI: Poto i soim wanpela wokmeri bilong TI i mekim klia long wanpela memba bilong pablik long wok bilong ogenaimesen bilong em. **Poto: Nicky Bernard**



LAS Sarere i bin lukim wanpela awenes ekspo long ol Lokol Level Gavman (LLG) lleksen i kamap long Se John Guise Indo Stadium.

PNG lilektorel Komisin i bin holim dispela ekspo long na pablik i ken kisim save na luksave olsem eleksen long dispela level em i bikpela samting.

Planti sumatin na sampela memba bilong pablik i bin kamap long dispela ekspo long kisim save na lainim long em.

Ol ogenaimesen olsem Trensperensi Intanesenel (TI), Anglikea, Yut Komisin na ol narapela moa i bin putim ol stol bilong ol we pablik i bin raun na kisim ol pepa long ol wok ol i mekim i sut long trensperensi, gutpela gavanens, gutpela lidasip na ol gutpela pasin na kwaliti i save mekim ol ogenaimesen na kantri i wok gut.

Man i asua na kilim dai rong gel

WANPELA yangpela pikinini gel long Sikago (Chicago) long Amerika i dai pinis bihain long wanpela gan man l sut na kilim em.

Hadiya Pendleton igat 15 krismas i bin wanpela long ol yangpela pipel l pefom o singsing long opisel bung bilong tok welkamim Presiden Barack Obama long namba tu tem bilong em olsem presiden bilong Amerika .

Long las wik Tunde, Hadiya i wok long hait long ren aninit long diwai wantaim sampela ol narapela yangpela pipel taim ganman o man i holim gan i ting olsem dispela grup em l wanpela geng o raskol lain na em i sut long ol.

Hadiya i dai, tupela mangki i kisim bagarap taim ol narapela i pret na ronawe.

Birua ya i bin kamap long 2.30 apinun bihain long belotaim.

Bihain long em i pa-

iarim gan, man ya i bin ronawe long kar bilong em.

Ples we ganman i sut long ol yangpela na kilim dai wanpela i stap klostu long haus bilong Presiden Obama i stap long Saut Sait.

Sikago i gat nem nogut long ol raskol na Mafia grup na planti pipel i save dai long ol birua we wanpela grup i sutim ol narapela grup long en.

Long las yia, 506 pipel i bin dai long birua bilong geng o grup vailens na birua.

Em l stat long nupela yia, tasol moa long 40 pipel i dai pinis long geng vailens.

Polis i karimaut ol wok painim long dispela birua.

Long dispela taim tu, ol toktok long kontrolim gan vailens i wok long kamap long Amerika bihain long kilim dai ol priskul na haiskul pikinini long sampela stet long Amerika.

Nupela meri bai raitim Meri Pes komentari

Meri Wantok i laik toksave olsem stat long neks wik, bai yumi gat nupela meri i raitim kolom bilong ol meri. Nupela kolom raita i kam long Wimen in Bisnis opis.

Wantok Niuspepa i laik autim bikpela tok tenkyu l go long pastaim Meri pes Kolom raita, Lorraine Siraba, long givim gutpela kontribusen long raitim na givim ol tok stia long ol samting i karamapim ol meri, famili, yut, helt na edukesen na lidasip long tupela yia, 2011 na 2012.

Tenkyu tru Lorraine na welkam long raita bai makim Wimen in Bisnis.

Meri Wantok.

DISEBOL: Ol disebol i gat rait na hia, ol i kam long ekspo long kisim save long ol LLG lleksen awenes na ol ogenaimesen i save promotim gutpela gavanens, lidasip na trensperensi. **Poto: Nicky Bernard**

Jiwaka i kamapim wanpela moa pater

Aaron Gunbi i raitim

NUPELA Jiwaka Provins i kamapim wanpela moa pater long Daosis bilong em.

Em long Diken Joseph Kaman bilong Nondugl Peris long Jiwaka Dineri husat i kisim Ordo bilong kamap pris long han bilong Asbisop Douglas Young SVD long Nondugl Peris long Fraide 18 Janueri, 2013. Dispela odinesen i mekim namba bilong Jiwaka asples pris o pater i go antap long 13-pela, na i lidim long namba bilong ol lokel pris bi-

long Maun Hagen Archdiocese. Insait long Maun Hagen Asdaio-sis, klostu olgeta kendidet bilong kamap pater husat i stap long ol bikpela semina em ol bilong Jiwaka Dineri tasol. Klostu 5000 pipel bilong Jiwaka na sampela bilong Westen Hailans na Simbu i stap insait long dispela misa. Long dispela taim, 30 pris i stap insait long Misa em ol bilong Kundi-awa, Mendi, Wabag, Maun Hagen na tu Dairekta bilong Radio Maria em

Pater Martin i stap insait long dispela Misa. Tupela lapun SVD misinari husat i bin wok long Nondugl Peris, em Pater George Subi SVD na Pater John Ralfs SVD i bin stap insait long dispela Misa na selebret wantaim. Asbisop Douglas Young SVD i tok hamamas long famili bilong Pater Joseph Kaman long givim wanpela pikinini long Sios na bihain em i Odenim em pinis, em i givim bek long ol pipel wanpela pris. Asbisop Douglas i tok, Fr.

Kaman em i gat planti talen o save na skill em i lainim na kisim insait long famili, komyuniti, na tu insait long seminari we em i bin skul long em. Olsem na em i redi long mekim wok pris bilong em. Long mekim dispela wok gut, em i mas stap fri long ol wokmak bilong famili na komyuniti. Na Asbisop i askim ol Katolik manmeri long noken askim ol pater long kam helpim long baim meri, skul fi, o kompensesen, tasol larim ol i stap fri long mekim gut wok pater bilong ol long givim

Sakramen long ol bilip manmeri. Pater Joseph i tok amamas long Asbisop Douglas Young SVD long mekim em i kamap pris na moa yet, long Pater Alfred Koimo, em wanpela senia pris insait long Jiwaka, long givim bikpela helpim long ol etvais na skul toktok we yang-pela Pater Joseph i kisim strong long en. I bin gat planti tumbuna singsing na bilas, na kaikai bihain long Misa lotu.

Nupela haus lotu klostu pinis

Veronica Hatutasi i raitim

SAPOS ol wok i go gut na pinis long taim stret bilong em, ol perisina bilong Sen Charles Lwanga Katolik Peris long Gerehu, Nesenel Kapitel Distrik, bai wokim Ista misa lotu long nupela haus lotu bilong ol, Siaman bilong Sios Bilding Komiti, George Warkarat i tok. Mista Warkarat i tok kampani i wok long bildim nupela sios bilding, Tasman Bildas PTY LTD, i mekim ol liklik wok long pinisim, na inap tude, 99

pesen bilong sios bilding em ol i pinisim pinis, tasol liklik samting bilong pinisim o stretim long en tasol i stap yet. Em i tok Tasman Bildas i pinisim olgeta wok i stap aninit long kontrak bilong em, tasol Pryde Fenitja kampani bai putim ol sit insait long sios bilong sindaun long ol. Ol narapela liklik wok bilong pinisim em long ol dua, penim plua na wok long dreinij na ol paip long kisim wara i go long dreinij sistem long rot. Mista Warkarat i tok ol mani long ol fan resing i

wok long go insait isi isi, na em i singaut long ol lain i no givim ol mani bilong ol tiket na bilong ol narapela fan resing long givim mani hariap na ol i ken pinisim ol wok hariap. "Sapos ol samting i go gut, sios i gat plen long holim namba wan misa lot long Ista taim," Mista Warkarat i tok. Dispela nupela sios bilding i kostim namel long K3 na 4 milian long sanapim. Wok long sanapim bilding i bin stat long mun Jun long las yia.



KLOSTU PINIS: Nupela haus lotu bilong Sen Charles Lwanga Peris, Gerehu long Mosbi Sit ii klostu pinis nau. Ol woklain bilong Tasman Bildas kampani i wok long em i stap. *Poto: Fail Poto*

FES DEDIKESEN: Stat bilong nupela yia na wanpela dedikesen lotu sevis i bin kamap long Sios Kami Memoriel Sios long putim ol wok i go long han bilong God i ken givim gutpela stia long Polis Konstebuleri long PNG. Hia yumi lukim Minista bilong Helt, Michael Malabag i toktok wantaim Reveren Sommy Setu bilong Lutheran Sios, Papua Distrik bihain long dedikese sevis.

Poto: Nicky Bernard



Tingim ol sik long Wol Sik de

KATOLIK Sios long wol bai selebretim namba 21 Wol De bilong ol Siklain long neks wik Mande, Febueri 11, 2013. Dispela em i pestode tu bilong Our Lady of Lourdes na 21 krismas i go pinis, nau i dai hetman bilong Katolik Sios long wol, Pop John Paul 2 i bin makim dispela de olsem de bilong tingim ol siklain na ol lain i save mekim wok long ol helt kea ministri. Long dispela de, em i taim bilong tingim na pre long ol

lain i karim hevi long ol kain sik na tu, ol woklain ol helt kea ministri, ol volan tia na ol gadien. Het tok we nau hetman bilong sios em Pop Benedict 16 i makim em long "Go na mekim wankain" (Luk 10: 37). Dispela em i stap long tok skul bilong Jisas long Good Samaritan stori. Long dispela de, sampela long ples we stetju bilong Our

Lady of Lourdes i sanap long en. Em long misa lotu, intenesenel bung i sindaun wantaim het tok "Mekim gut long ol lain i karim hevi na pen" ol bai holim lonmg Katolik Yunivesiti bilong Eichstaett, Inglostadt, lukim ol sik manmeri i no inap wokbaurt long ol haus sik na ol arapela helt institusen long eria, ol selebresen na preia long ol bikpela sios long Monaco na ol ples klostu, na

bung wantaim ol politikel na ol sivil lida long Bavaria, Germani. As tingting we Santu Papa Pop John Paul 2 i bin makim dispela de olsem de bilong ol Siklain em long bihainim eksampel bilong Jisas olsem wanpela sevis we sios i gat long en em long ol sik na i karim pen na hevi, olsem wanpela wok misin bilong em.

- I kam long Zenit Nius Ejensi

Skul malolo Tok Pisin Baibel stadi pulim planti pikinini

Tim Scott bilong SIL, Ukarumpa i raitim

MOA long 600 pikinini long Aiyura Veli i bin stap insait long wanpela wik Tok Pisin Baibel Skul malolo program woksop i bin kamap long Ukarumpa, Isten Hailans Provins. Ol pikinini long olgeta hap bilong Aiyura Veli husat i kam long 12-pela asples sios i bin gat long en 48 skul sumatin bilong Ukarumpa Intenesenel Skul. Ol Ukarumpa sumatin lain i bin go insait long ol program olsem wosip ben, tisa na helpim long tis, kisim ol poto, video, ol teknikel sevis na givim helpim long eria we nid i bin kamap long en. Ol lain i bin givim bikpela helpim long taim bilong tilim ol snek bikos long wanpela wik bilong sindaun long woksop, ol bin givim aut 3,5000 snek i go aut long ol pikinini. I bin gat tu 110 bikpela manmeri i helpim long dispela Baibel Skul woksop na ol i bilong 12-pela lokol sios long veli. Het tok bilong dispela Baibel skul Malolo program em "Amour of God" o "Lukaut bilong Bikpela" ol i kisim long Efesus 6: 11-18. Ol bin gat ol Baibel skul long olgeta de we i bin karim ol stiatok long ol Baibel ves. Planti ol sumatin i bin lainim Skripja na ol inap long tingim gut long en. Maski bin gat planti ren na taitwara i bin painim hat long kam, dispela i no bin stopim amamas bilong ol pikinini long go long woksop. Moa long Baibel skul, i bin gat taim bilong singsing, papet na Baibel drama we i bin amamasim na mekim ol pikinini i lap planti. i bin gat planti tim long mekim ol narapela program long ol moning taim. Dispela Malolo Baibel Skul Progrem i bin ron gut na kamap gut stret. Moa long 70 sumatin i bin i bin toktok long ol tisa long salvesen o spirituel sait na groa bilong ol. Ol i plenim nau long holim wankain program, tasol tripela olgeta long neks yia.

Lahir Destiny skul kisim helpim long BSP Benk

OL SUMATIN bilong Lahir Destiny Skul long Nu Ailan Provins i gat nupela na gutpela bas stop, na tok tenkyu i go long Benk bilong Saut Pasifik (BSP) long en.

Wok bai stat long mun i kam we BSP i patna wantaim skul long kamapim dispela nupela bas stop projek olsem hap long komyuniti projek bilong em long dispela yia.

Brens Menesa bilong BSP Lahir, Robinson Panako i tok brens i bin lukim olsem i gat nit long ol sumatin i mas gat gutpela bas stop long

wetim trenspot na kisim trenspot taim ol i go na i kam long skul.

Em i tok benk i no benk tasol em i luksave long samting we komyuniti ni laikim, na ol bai wok wantaim komyuniti long lukim olsem ol i statim na pinisim dispela projek insait long wanpela mun.

Em i askim komyuniti long lukautim gut dispela projek taim em i pinis.

“BSP em i hap long komyuniti bilong yupela, na mipela i amamas long givim bek i go long komyuniti wan-

taim ol kain projek olsem,” Mista Panako i tok.

Long ol woken, ol woklain bilong benk bai helpim ol kontrakta long klinim eria we ol bai sanapim projek long em, wokim peintim na o besil wok kapenta.

Mista Panako i tok ol tisa na ol papamama long lokol komyuniti i volantia long givim helpim bilong ol long go hetim dispela projek.

Long 2013, ol BSP brens long kantri bai karimaut na pinisim 33 komyuniti projek long edukesen, helt, en-vaironmen na spot.



NUPELA BAS STOP ERIA: Dispela em eria we ol bai sanapim nupela bas stop. *Poto: BSP Pablik Rilesens*

Sunali Haku Kapo kisim luksave long K15 milian kontrak

SINALI Haku Kapo Invesmen Limitit em dispela kampani i gat luksave long winim K15 milian kontrak long bildim Mark Mindibi Teknikel Kolis long Hagai Viles long Koroba, Hela Provins, Siaman bilong kampani, Philemon Porolia i tok.

Mista Porolia i tok Hela Provinsel gavman, stet na PNG LNG Projek divelopa

Eso Hailans Limitit i luksave pinis long Sinali Haku Kapo Invesmen Limitit olsem lokol lenona kampani long Juha projek impek eria long go hetim dispela bikpela projek.

“Graun we teknikel kolis bai sanap long en em gaden bilong yumi. Mipela ol hauslain bilong nau i dai Mark Mindibi na mipela i sapot

long ol pipel na Hela Provinsel Gavman long karimaut projek,” Siaman Porolia i tok.

Mista Porolia i wokim dispela toktok bihainim ol paul toktok i bin kamap long niuspepa midia we

tupela narapela man i bin mekim olsem ol i gat rijista ambrela kampani long Juha projek eria.

Facebook no gutpela long ol sumatin

WANPELA wok painimaut i soim olsem sosel network, “Facebook” i no gutpela long ol skul sumatin, bikos em i bagarapim lainim na skul wok bilong ol.

Na i moabeta long ol sumatin long lus tingting long yusim dispela sosel midia, na skul gut.

Facebook em dispela sosel network i stap long mobail fon we ol manmeri i ken yusim long toktok wantaim ol poro bilong ol.

Wanpela Non Gavman Ogenaisesen em Task Yunien Inkoporetet, i bin karimaut wok painim long Facebook na wanem ol gutpela na nogut samting em i

kamapim taim ol sumatin i yusim dispela sosel midia network.

Wok painimaut i tok planti sumatin i no wokim gut long lainim bilong ol long skul bikos intres bilong ol i stap long narapela hap na dispela em long stori wantaim ol poro bilong ol long Facebook. Na tu, ol i save kisim ol nogut piksa long ol poro bilong ol long Facebook.

Wok painim i tok Facebook i save pulim ol sumatin na long nait taim bilong stadi, ol i save yusim bikpela taim long toktok na salim teks i go na i kam wantaim ol poro bilong ol.

Wok painim i painim tu

olsem long klasrum taim ol tisa i lainim ol i stap, sampela ol sumatin i toktok yet wantaim ol poro bilong ol long Facebook na ol i no bisi long harim tisa.

Em i tok dispela i no gutpela long stadi na skul bilong ol pikinini.

Olsem singaut i go long ol papamama long toktok gut long ol pikinini bilong ol long skul gut. Na tu, long noken baim ol mobail fon i gat Facebook long ol.

Singaut i go tu long ol sumatin long yusim gut ol mobail fon bilong ol long mekim ol imejensi kol na i no long sosel midia we i bagarapim skul bilong ol.

Sot long spes

...Moa long 50 sumatin long wanpela klas

Veronica Hatutasi i raitim

NUPELA 2013 skul yia i bin stat long dispela wik Mande Februari 4, na planti skul i go insait long ol lesen na lainim bilong ol.

Wantaim fri edukesen polisi we ol papamama i no peim skul fi, spes long kisim olgeta pikinini i laik go skul em i wanpela hevi sampela skul i wok long bungim.

Bavaroko Praimeri skul insait long Nesenel Kapitel Distrik i gat 1,385 sumatin, em rekot bilong mun Disemba las yia.

Het tisa em Catherine Moresi i tok skul bilong em i statim gut 2013 skul yia.

Em i tok olgeta tisa i stap mekim wok long skul na klostu olgeta sumatin i stap long skul. Liklik lain tasol i no kamap yet, tasol em i bilip olsem long neks wik, ol bai kamap.

Wanpela hevi nau we Misis Moresi i lukim em planti sumatin stret i laik kam insait long skul na spes

i sot.

“Mipela i kisim bikpela lista bilong ol sumatin i trense long ol narapela provins i laik kam skul long Bavaroko, mak olsem 100 i go antap.

“Mi tokim ol papamama long wet na mipela bai stretim ol dispela sumatin i skul pinis, na sampela long skul husat i laik trense i go aut. Tasol long trense aut, liklik lain tasol i wok long trense aut.

“Mak long ol sumatin mipela i gat long Gret 3-8 em moa long 50 sumatin long wan wan klas.

Sapois mipela i kisim moa sumatin, mak bilong ol sumatin bai go antap long 4,500 samting.

“Gavman i mas kamap wantaim wanpela polisi long edresim dispela kain hevi long bikpela mak bilong ol sumatin i nogat inap spes na a kan hevi i go wantaim dispela,” Misis Moresi i tok.

Skul i kisim olgeta sumatin i skul long hap na i no sasim skul fi, tasol olgeta sumatin i go insait fri.

Long sait bilong projek fi, Misis Moresi i tok skul bot bai redim ol projek proposel bilong ol long haus tisa na stretim ol klasrum na givim i go long NCD Provinsel Edukesen Bot long tok oraitim pastaim ol i sasim ol papamama long baim projek fi.

Em i tok mak bilong projek fi i stap aninit long K100 long wanwan sumatin.

Long wankain taim, Bavaroko i no kisim skul sab-sidi fi bilong em yet, tasol Misis Moresi i wok long sekim benk akaun na em i tok mani bai go insait long dispela wik.

Em i tok liklik mani i bin stap yet long las yia i helpim ol long baim ol samting long yusim long operesen bilong skul, ol sumatin na ol tisa.

Long sait bilong ol skul fi we sampela papamama i no baim long tupela na tripela yia i kam, Misis Moresi i tok planti papamama i bin baim bilong ol, tasol liklik lain i stap yet.

Na wantaim fri edukesen polisi, ol bai larim dispela pastaim.



REJISTRESEN TAIM:

Nupela 2013 skul yia i stat na ol papamama, gadien na ol sumatin i sanap long lain na sekim nem bilong ol pikinini bilong ol long Maun Daimon Sekonderi skul ausait long Mosbi siti.

Poto: Nicky Bernard



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)



Dr Tarcicius Tara Kabutaulaka blong
Universiti blong Hawaii (Credit: ABC)

I gat askim olsem ol bikpela wok bilong developim ol risoses em i gutpela long Melanesia o nogat

Ol kantri bilong Melanesia nau i
wok long lukim planti wok bilong
developim ol netseral risos olsem
oil, ges, maining na loging indastri.

Dispela ol kain wok i apim tru ol
wok mani o ekonomi bilong Papua
Niugini na Solomon Ailans, na ol i
ting ol bikpela maining projek bai
kamap tu long Fiji, Wes Papua, na
Nu Kaledonia. Dispela i min tu
olsem ol ekonomi bilong Melanesia i
wok long winim ol kantri long
Polinesia, em bipo, ol ekonomi
bilong ol i save go pas long
Melanesia.

Tasol ol dispela risos bum, bai
halivim gut ol pipel bilong
Melanesia?

Bai ol i lukluk long dispela askim
long wanpela konfrens long
Australia Nesenel Yunivesiti long
Kanbera.

Planti Bogenvil sumatin i wari long sip

PLANTI papamama long Bogenvil
long Papua Niugini i tok ol i wari tru
long ol pikinini bilong ol husat bai
kisim sip tumora bilong go skul long
Rabaul, na tu long bikples PNG.

Ol i mekim dispela toktok foapela
de bihain long kantri bin makim
namba wan yia Rabaul Queen i bin
kapsait na go daun long solwara
klostu long Morobe provins long
2012.

Moa long tu handret pipel i bin dai
long dispela birua. Planti long ol em
ol sumatin na ol i bin kam long
Bogenvil, Is na Wes Nu Briten na Nu



OL LIDA SINGSING: Labor bekbensa memba, Kevin Rudd, i singsing long misa bilong makim kirap bilong 2013 palamentri
yia long Canberra, Februari 5, 2013.

Ailan provins.

Nau planti sumatin long
Bogenvil i redi long lusim ples
long sip, long wanem Volkeno
long Rabaul i wok long tromoi
das na stopim ol balus i go long
kisim ol pasindia long Buka na
Rabaul.

Helen Hakena, wanpela mama
long Buka bai tok gutbai long
pikinini meri bilong en na em i tok
olsem em i wari tru.

Vanuatu i rausim ol ileksen opisa

ILEKTORAL Komisin i rausim
pinis sampela ileksen opisa na
makim ol nupela wokmanmeri
bihainim ol bikpela hevi em i bin
kamap long 2012 nesenel ilek-
sen long kantri.

Ol Ni-Vanuatu i putim vout
blong ol 2012 nesenal ileksan

Komisin i mekim dispela pasin,
taim kantri i redi long holim
provinsal ileksen long siksela
provins bilong kantri long wik
bihain.

Komisin i sutim tok long ol pri-
saising opisa olsem ol i no bin
mekim gut wok bilong ol long
2012 nesenel ileksen olsem na
ileksen i bin bagarap.

Solomons rilif saplai bilong saiklon Freda i no go yet

SAIKLON Freda i bin hamarim
Solomon Ailans moa long wan-
pela mun bai sampela viles i
wetim yet long gavman i salim
kaikai.

Saiklon Freda i bin hamarim
Solomon Ailans moa long wan-
pela mun i go pnis we em i bin
bagarapim planti gaden kaikai na
wara saplai.

Ol i bin salim wanpela ases-
men tim i go long lukluk na ske-
lim ol bagarap em saiklon Freda i
bin kamapim, tasol i kam inap
nau, ol pipel i wok long wetim yet
long kisim halivim long wanem ol
i no stretim gut baset.

Ol pipel bilong Bubumala vilis,
long not-wes Guadalkanal, i tok
ol i sot long kaikai, na ol i askim
gavman long bringim sampela
halivim i go long ol.

Dengi fiva kamap long Solomons

SOLOMON Ailans i gat foapela
keis bilong dengi fiva long kapi-
tel, Honiara.

Kamap bilong sik dengi fiva

nau, ol i painim long Solomon
Ailans.

I kam inap nau, foapela keis
bilong dispela sik ol i nap painim
long biktaun Honiara.

Albino Bobogare, em i dairekta
bilong Nesenel Vektapon Disis
Kontrol program.

Em i tok Sam Bolitho i bin gat
moa ripot long sik dengi fiva long
dispela taim na ol haus sik na ol
klinik nau i gat gutpela ol samting
i stap long painimaut.

Ol stil lain i bagarapim PNG anti-korapsen opis

SAMPELA stilman i bin go na
bagarapim tru opis bilong
Taskfos Sweep long Papua
Niugini na stilim ol kompyuta na
ol fail.

Ol i bilip olsem samting olsem
twentipela man i bin pasim
tripelia sekyuriti gat wantaim ol
rop, na bihain ol i bin brukim
wanpela strongpela ain get na go
insait long opis we ol i bin stilim ol
dispela samting.

Ol bin brukim na bagarapim
opis gut tru, na tromoi ol pepa na
ol kabod long floa bilong opis.

Siaman bilong Tasfos Sweep,

Sam Koim, i tok ol wokman bilong en
i wok long mekim ol wok painimaut
long ol samting em ol dispela stil lain
i bin kisim.

Em i tok, ol kompyuta na ol nara-
pela samting bilong opis nau i go
pinis, tasol dispela kain pasin bai no
inap stopim wok bilong ol.

"Dispela bai no inap daunim
mipela. Nogat wanpela i ken pretim
mipela," em i tok.

Long dispela tupela yia i go pinis,
dispela Taskfos Sweep i wok long
mekim ol bikpela wok painimaut i go
long korapsen na wok bilong ol i bin
lukim polis i bin pulim kalabusim sam-
pela politisen, ol sinia gavman opisa
na ol bisnisman bihainim ol korap
pasin.

Vanuatu i gat nupela Korapsen Komisin

LONG Vanuatu, ol wok nius o midia
i wok long toktok tumas long pasin
em ol i kolim 'wait kolda korapsen'
long dispela wik i go pinis.

Na ol anti-korapsen lain i tok ol i les
pinis long dispela kain korapsen.

Wanpela meri ektivis, Jenny Ligo, i
halivim long statim Vanuatu Korapsen
Komisin, wanpela nupela grup em i
laik toktok strong long gavman long
stopim korapsen long kantri.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you
morning and evening coverage of Pacific current affairs including interviews with political
leaders, newsmakers, and the people who make the Pacific beat.



I no taim bilong les-wok

S APOS yumi ken bilipim toktok bilong praim minista olsem husat ol pablik sevan i no mekim wok, o i sot long save long mekim kamap wok, bai yumi lukim planti ol bikmanmeri i lukautim ol gavman dipatmen i painim ples.

I gutpela long harim kain tok lukaut olsem i kam long Mista O'Neill.

Longpela taim tumas, ol sinia pablik sevan bilong yumi i save hait baksait long ol risepsenis o sekreteri, ol bikpela diwai dua, na ol kain kain giaman tok olsem: 'bosman i bisi', o 'em i no kam long wok tude'.

Nau, bai nogat moa ol wokmanmeri bilong gavman i ken hait na kisim potnait nating.

Dispela wik i makim wan-

WANTOK **KOMENTRI**

pela bikpela senis taim long histri bilong kantri bilong yumi.

Praim Minista Peter O'Neill i toksave pinis olsem em i no laikim planti kain giaman toktok na ol astok bilong lespasin i kamap.

Em yet i save, olsem nau em i taim bilong mekim wok wantaim bilip, na mekim wok bihainim wanpela tingting tasol. Senis.

Senis lusim olupela pasin bilong pilai pokis long taim bilong wok, senis lusim pasin bilong sanap stori ausait long opis, buai pulap long maus, na smel bilong smuk

spia i pas long skin na raun i go kam long opis, olsem wanpela kain haus win bilong yu.

Toksave i kam klia pinis, na wan taim dispela toksave, em tok lukaut tu i kam.

Mista O'Neill i luksave olsem sapos pablik sevis i ron stret, sapos olgeta pablik sevis, na bosmanmeri insait long pablik sevis i save long wok bilong en, i ken pasim ol hevi na birua i kamap long wok bilong gavman. Tasol namba wan samting em, bilip long manmeri.

Nau em i tokaut pinis long nupela luksave na strongpela mekimsave bai pun daun long husat pablik sevan i no mekim wok, nogut bai yumi stat lukim senis.

2013, em gavman i makim

pinis olsem yia bilong mekim wok. Sapos yu wanpela pablik sevan, husat i wok kisim pe long givim sevis long pipel.

Yu mas tingting gut nau.

Noken ting olsem dispela toktok, em i toktok nating.

PM O'Neill i kamapim planti senis pinis, na gutpela bilong en, yumi wok lukim nau.

Sapos wanpela samting i klia. I nogat wanpela banis, ston o opis dua bai pasim gavman long makim ol manmeri i ken mekim wok.

Planti savemanmeri i stap painim wok. Ol i gat bilip, ol i gat save, na ol i gat laik bilong soim strong bilong ol. Sapos ol olupela bilong bipo i sotwin long mekim wok, orait, rausim ol, na givim sans long ol arapela i ken mekim wok wantu tasol.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

WOLNIUS LONG POTO...



Bilip man bilong Hindu wokabaut long strongpela wesan win..
Indian Hindu bilipman i strongim em yet na wokabaut long bikpela wesan win long ples Sangam bihain long em i wawas long holi wara bilong Ganges, Yamuna na Saraswati long taim bilong Maha Kumbh festival insait long Allahabad long February 5, 2013. Ol Kumbh Mela insait long liklik taun bilong Allahabad nau bai lukim planti 100 million woship manmeri bai bung inap long 55-pela de long waswas insait long dispela holi wara, i gat bilip olsem em bai klinim olgeta pekato bilong ol na givim planti blesing i kam long ol.




Longpela rot i kam...

Wanpela Lifbot i kam sua long nambis bilong South Australia bihain long tupela yia taim traipela sip bilong em i kapsait long South Atlantic Ocean.

Gutpela de bilong plaim kait na sef long solwara...

Ol kait sefas i kam raun long Melbourne beysait sabab Namel Pak long Februeri 2, 2013.



Mep bilong guria long Solomon Ailan...

Mep i soim mak bilong dispela guria 8.0 guria insait long Solomon Ailan long February 6, 2013.



Ronawe i go antap:

Ol Solomon Ailan sumatin ronawe igo long ples antap taim ol i harim tok-save bilong sunami i kam long ples bilong ol long Februeri 6, 2013.

FONDE FEBRUERI 7, 2013		FRAIDE FEBRUERI 8, 2013		SARARE FEBRUERI 8, 2013		SANDE FEBRUERI 9, 2013	
7:00 PM G	<u>RAITUSIUK</u>	7:00 AM G	<u>AUSTRALIA NETWORK</u>	4:57 AM G	<u>AUSTRALIA NETWORK</u>	4:57 AM G	<u>AUSTRALIA NETWORK</u>
8:00 PM G	<u>RESOURCE PNG EP#</u>	5:00 AM G	<u>JOYCE MEYER</u>	6:30 AM G	<u>EMTV NEWS REPLAY</u>	6:00 AM G	<u>EMTV NEWS REPLAY</u>
9:00 PM G	<u>HOT SPOT - RETURNS.....</u>	5:30 AM G	<u>EMTV NEWS REPLAY</u>	7:30 AM G	<u>ULTIMATE GUINNESS WORLD RECORD</u>	6:30 AM G	<u>IT IS WRITTEN</u>
9:30 PM G	<u>ELITE MUSIC ZONE — RETURNS</u>	6:30 AM G	<u>TODAY</u>	8:00 AM G	<u>YOGA SUTRA EP# 31Rpt.</u>	7:00 AM G	<u>HILLSONG</u>
10:00 PM G	<u>EMTV NEWS REPLAY</u>	9:00 AM G	<u>AUSTRALIA NETWORK</u>	8:30 AM G	<u>AUSTRALIA NETWORK</u>	7:30 AM G	<u>JOSEPH KINGAL MINISTRIES.</u>
		1:00 PM G	<u>ONE DAY CRICKET</u>	5:00 PM G	<u>MOTU GADODIA S2 — Rpt...</u>	7:45 AM G	<u>AUSTRALIA NETWORK</u>
			AUSTRALIA vs. WEST INDIES	5:30 PM G	<u>OLSEM WANEM</u>	8:00 AM G	<u>YOGA SUTRA Ep#31 “Healthy Kidneys”</u>
		5:00 PM G	<u>KITCHEN WHIZ</u>	6:00 PM G	<u>EMTV NATIONAL NEWS</u>		
		5:30 PM G	<u>CRICKET continues.....</u>				
		6:00 PM G	<u>EMTV NATIONAL NEWS</u>				
		7:00 PM G	<u>ONE DAY CRICKET</u>				
			AUSTRALIA vs. WEST INDIES				
7:57 AM G	<u>AUSTRALIA NETWORK</u>						
8:00 AM G	<u>JOYCE MEYER</u>						
8:30 AM G	<u>EMTV NEWS REPLAY</u>						
8:30 AM G	<u>TODAY</u>						
8:30 AM	<u>AUSTRALIA NETWORK</u>						
8:30 PM G	<u>KIDS KONA</u>						
8:30 PM	SHARKY'S FRIENDS						
8:30PM	MAGICAL TALES						
8:30PM	THE SLEEPOVER CLUB						
8:30 PM G	<u>KITCHEN WHIZ</u>						
8:30 PM G	<u>FUNNIEST HOME VIDEO SHOW</u>						
	A moment of fun filled with laughter for the whole family to enjoy.						
8:30 PM G	<u>EMTV NATIONAL NEWS</u>						
	EMTV brings you what's happening around the country and abroad in news, sports and weather.						

TORO



BIABIA



KANAGE



TOKWIN

Vision City pulap long stail stilman...

Ol sigi long Vision City i nau strongim wok bilong ol..Planti kainkain stail stilmanmeri i raun long Vision City..Ino ol liklik mangi tasol ol traipela papa mama na ating bubuman i wok long stil insait long vision city..
Nambawan stil pasin i kamap em: Wampela papa Tari i karim raun wampela plastik beg. Insait long plastik beg em wampela katen bokis bilong cambris smuk i stap insait. Insait long dispela cambris katen em ol katbot em katim katim likliklik na pulumapim insait long wan-

wan bokis bilong smuk na pasim gut tru olsem ol fektri i bin pasim. Em i gat mani long baim narapela katen cambris smuk na wokbaut i go long ples bilong salim smuk na askim meri long kaunta long givim katen (24 gross) cambris smuk. Em i givim moni long meri na meri i laik go long til na senisim moni, long semtaim man yah i senisim giamman cambris na putim antap long kaunta. Taim meri i kambek long givim senis, man bai tokim meri olsem, maski karim pallmall grin i kam na putim bek cambris. Dis-pela taim em popaia bikos taim meri yah i laik apim bokis na putim bek, em pilim olsem hevi bilong bokis ino wankaim bipo. Em singautim ol sigi i kam na

sekim bokis na kamautim olgeta katbot i kamaut...O sore, fada man em kisim stret...
Nambatu stil pasin: Wampela mama Simbu werim taita na putim long meri blaus na siket na go giaman raun insait. Nogat man i lukluk na em haitim tenpela liklik tin Ox & Palm insait long taita bilong em na wokabaut raun i stap. Mi no save tasol, wampela tin mas kaikaim em insait na meri painim hat long wokabaut. Ol sigi i lukim em na saspek olsem meri i hatim sampela samtin insait long sangana bilong em. Hariap tru ol sigi meri karim em igo long toilet na painim tenpela buli bif pas gut tru long taita bilong em...Yu save pinis..Tok i dai long hap..

Tokwin tasol

A	T	R	I	F	H	F	T	Y	F	S	I	A	S	E	A
A	J	L	S	M	H	L	A	L	E	I	W	L	F	L	J
L	S	E	S	L	A	L	E	I	W	L	F	L	J	L	J
I	T	F	A	E	S	F	L	F	L	F	A	A	S	N	I
I	T	F	A	E	S	F	L	F	L	F	A	A	S	N	I
S	E	S	L	A	L	E	I	W	L	F	L	J	L	J	L
A	T	R	I	F	H	F	T	Y	F	S	I	A	S	E	A
L	I	J	L	J	A										
I	T	L	F	H	F	T	Y	F	S	I	A	S	E	A	
S	E	S	L	A	L	E	I	W	L	F	L	J	L	J	L
I	T	F	A	E	S	F	L	F	L	F	A	A	S	N	I
T	Y	F	A	E	S	F	L	F	L	F	A	A	S	N	I
W	S	E	A	S	N	I	L	J	L	J	L	J	L	J	L
A	T	R	I	F	H	F	T	Y	F	S	I	A	S	E	A

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAP JAKET	EA HOSTES	PAILOT	SUTKES

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

T	A	R	A	G	A	U	B	I	L	O	N	G	N	A	I	T
				S												
K				E					K	U	M	U	L			P
A				K	A	L	A	N	G	A	R				I	
K				A										S		
A				K	O	K	O	M	O			S	I			K
R				T							A	N			K	O
G	U	R	I	A		A				R					A	K
K							R		6						V	I
							A				P	I	P	I		
			P	A	T	O	L		6		B			V		
I				O	E				A		A			I		B
A			K	P								U	L			U
N		T		T			K	A	K	A	T	U				K
A	O		I									S				A
K			A													
W				S	U	B	6	N	O	L	I	B	L	U	A	P

EMTV Television Guide

bra.		6:00 PM G	<u>EMTV NATIONAL NEWS</u>	5:00 AM G	<u>JOYCE MEYER</u>	8:30 PM PGR	<u>SURVIVOR PHILIPPINES S25 –</u> <u>Finale – Reunion.</u>	5:00 PM G	<u>FUNNIEST HOME VIDEO SHOW</u>
12:30 PM G	<u>HILLSONG Rpt....</u>	7:00 PM PGR	<u>WILDLIFE MAN – David Ireland</u> Hand Feeding Sharks	5:30 AM G	<u>EMTV NEWS REPLAY</u>	10:00 PM G	<u>EMTV NEWS REPLAY</u>	5:30 PM G	<u>CRICKET Continues.....</u>
1:00 AM G	<u>NATIONAL EMTV NEWS – Replay</u>							5:57 PM G	<u>CRIME STOPPERS</u>
1:30 AM G	<u>AUSTRALIA NETWORK</u>	7:57 PM G	<u>EMTV TOKSAVE</u>	6:00 AM G	<u>TODAY</u>	12:00 AM G	<u>AUSTRALIA NETWORK</u>	6:00 PM G	<u>EMTV NATIONAL NEWS</u>
	<u>MANDE FEBRUERI 4, 2013</u>	8:00 PM G	<u>THE MENTALIST</u>	9:00 AM G	<u>AUSTRALIA NETWORK</u>		<u>TRINDE FEBRUERI 6, 2013</u>	7:00 PM G	<u>TOKPIKSA REPEATS.....</u>
		9:00 PM G	<u>SPORTS SCENE – Returns....</u>	3:30 PM G	<u>KIDS KONA</u>	4:57 AM G	<u>AUSTRALIA NETWORK</u>	7:30 PM G	<u>ONE DAY CRICKET</u> AUSTRALIA vs. WEST INDIES GAME 3continues....
4:57 AM G	<u>AUSTRALIA NETWORK</u>	9:30 PM G	<u>EMTV NEWS REPLAY</u>	3:30 PM	GOT TO GO	5:00 AM G	<u>JOYCE MEYER</u>		
5:00 AM G	<u>JOYCE MEYER</u>	11:00 PM G	<u>AUSTRALIA NETWORK</u>	4:00PM	MAGICAL TALES EP	5:30 AM G	<u>EMTV NEWS REPLAY</u>	10:30 PM G	<u>EMTV NEWS REPLAY....</u>
5:30 AM G	<u>EMTV NEWS REPLAY</u>			4:30PM	THE SLEEPOVER CLUB	6:30 AM G	<u>TODAY</u>	11:30 PM G	AUSTRALIA NETWORK
6:00 AM G	<u>TODAY</u>			5:00 PM G	<u>KITCHEN WHIZ</u>	9:00 AM G	<u>AUSTRALIA NETWORK</u>		
5:57 PM G	<u>CRIME STOPPERS</u>			5:30 PM G	<u>FUNNIEST HOME VIDEO SHOW</u>				
			<u>TUNDE FEBRUERI 5, 2013</u>	6:00 PM G	<u>EMTV NATIONAL NEWS</u>	1:00 PM	<u>ONE DAY CRICKET</u> AUSTRALIA vs. WEST INDIES GAME 3		
				7:00 PM G	<u>BEST OF HAUS & HOME</u>				
				8:00 PM G	<u>BUSINESS PNG</u>				
		4:57 AM G	<u>AUSTRALIA NETWORK</u>						

OI Proqram na Kilok i
ken senis oltaim...

Ol Progam na Kilok i ken senis oltaim...

Raun wantaim Kanage olgeta wik



NEM: Ludwick Monduk
KRISMAS: 25 (man)
ADRES: C/- Clerance Kombukun, PO Box 302, Kimbe, West New Britain Provins
SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio
KRISMAS: 22 (meri)
ADRES: Lae Ever Green, PO Box 167, Lae Morobe Provins
SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

NEM: Womie Ben- Efore
KRISMAS: 26 (man)
ADRES: C/- Christ For The Nations, PO Box 1332, Lae, Morobe Provins PNG
SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.

NEM: Aweqwii de Paps
KRISMAS: 24
ADRES: K- Toro Hire Cars, PO Box 111, Vanimo, Sandaun Provins
SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo
KRISMAS: 34 (meri)
ADRES: PO Box 35, Agona Nyakrom, Ghana - Phn: 0023354787139
SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori
KRISMAS: 18 (meri)
ADRES: Marinumbo Primary School, PO Box 352, Wewak, East Sepik Provins
SAVE LAIKIM: Harim musik, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai
KRISMAS: 15 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Go Lotu, lukluk CD na pilai spots.

NEM: Nasain Calvin
KRISMAS: 14 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Pilai Spots, Go Lotu, Lukim CD na rit planti

NEM: Karl Pewa
KRISMAS: 30 (man)
ADRES: Semoroks Gospel Club, PO Box 3368, Lae, Morobe Provins.
SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat i gat strongpela tingting long pilaim musik bilong God.

NEM: Darren Calvin
KRISMAS: 15 (man)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Lukim CD, Pilai Spots na Ridim buk

Rais i no kuk yet...

KANAGE i stap wantaim meri bilong em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyo..., rais i no kuk yet na Ox & Palm op pinis..."

Soulist Raiiotzs
Madang

Kros long beltait

WANPELA moning, papa Kanage go wok long gaden. Em wok i go na hangere kisim em. Em kam bek long haus na



meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiauwut mi brukim pinis na i stap long gaden". Pikinini meri bilong em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros, orait,

My gradings have dropped since owning mobile

Dia Laiplain,

MI wanpela meri i gat 16-pela krismas na nau mi pinisim Gret 10 bilong mi pinis. Skul i pinis na mi stap na tingting long bihain taim bilong mi na tu, mi wok long lukim ol skul pepa bilong mi tasol mi lukim olsem mi no wokim gut o ol mak bilong i go daun.

Dispela kain samting i mekim mi pret, bikos nogut mi bai no inap go long sekonderi o nesenel hai skul.

Wanpela samting mi bilip i bagarapim skul bilong mi em mobail(Mobile) fon. Maski ol papa-mama bilong mi givim skul toktok long mi long mekim gutpela pasin, tasol mi no inap long lusim mobail fon. Mi save westim planti taim bilong skul malolo long yusim mobail long teksim, stap long Fesbuk o toktok long poroman-meri long taim mi gat kredit.

Long olgeta dispela, mi lusim laik long kaikai long taim bilong dina, na ol save fosim mi long mekim wok bikos mi save mekim wok long haus. Papa-mama bilong mi save tokim mi long lukaut gut bikos mobail fon i wok long bagarapim mi na kamapim nogut pasin. Mi save ol i tok tru, tasol mi no save bai mi mekim wanem.

Bai mi mekim wanem samting sapos mi no go long sekonderi o nesenel hai skul? Plis helpim mi.

Can't Help It.

Dia Pren,

Tenkyu tru long rait i kam long mipela na tokaut long hevi bilong yu. Mipela i laik tokim yu olsem, i no yu tasol, planti yangpela na sumatin i gat wankain wari olsem yu husat i save rait i kam, ring na toktok long mipela.

Mipela i sori tru long wanem samting i kamap, olsem skul i pinis na yu lukim ol skul mak bilong yu i no gutpela tumas. Yu tokaut olsem yu yet i gat wanpela mobail fon na i wok long daunim intres bilong yu long mekim skul bilong yu na tu, pasin bilong yu, stail bilong kaikai na mekim wok long haus i senis.

Pren olgeta samting em Papa God yet i mekim na i gat as bilong em, wankain tu long man i mekim samting i gat as bilong



em. Sapos yu askim ol lain o painim aut long wanem as tru bilong mobail fon o telefon, ol bai tokim yu olsem wok bilong en em long bringim tok namel long man-meri long wanpela na narapela. Long dispela wei, mobail fon i mekim isi long man long save wanem samting bai kamap o i kamap pinis.

Sapos olsem, long wanem as na bai mobail fon i bagarapim mak bilong yu? Yu mas tingim, samting ol i mekim em bilong gutpela bilong man na tasol sapos yumi no yusim gut, em ken bringim samting we yu no inap laikim long en.

Pren, planti yangpela i ting olsem i nogat samting i rong, tasol wanem ol risal i kamap taim yu yusim mobail fon na wanem ol pasin yu lainim long em.

Mipela i laikim yu long skelim gut wanem samting em i gutpela na wanem samting i nogut long yu laikim mobail fon tumas. Yu mekim dispela na raitim go daun long pepa na rulim lain long makim gutpela na i no gutpela bilong yusim mobail fon.

Bihain long dispela, yu lukluk long risal na ol as bilong gutpela na nogut bilong em. Yu bai painim olsem ol i no gutpela i save stap longpela taim na i planti moa long ol gutpela we i no save stap longpela taim. Taim yu luksave long hevi bilong yu na ol samting we i wok long bagarapim stail, kaikai na wok helpim bilong yu long haus olsem wanpela bilong ol i senis tu.

Olsem wanem long ol narapela lain olsem ol Papa-mama, brata na susa na spiritual laip bilong yu. Pren, ediksen em i olsem wanpela sik we bai yu no nap lusim sapos yu no was gut long wei yu stap long en, dispela ken bagarapim yu long bodi na tingting wantaim.

Pren olgeta samting yu tok long en, em sampela we bilong laip. Nau mitupela bai toktok long "Olsem wanem sapos yu

yu tupela i go na painim rot long kaikai na kisim manil"

P Posou

Rough! Rough!

Amerika na wanpela Papua Niugini pikinini, tupela i pilai long gras stap na skin blong tupela i sikarap. Papua Niuginian kirap na tok inglis long Amerikan olsem, "Yu Rough me first then I rough you. Together we rough rough".

Ol skwat!
Salim ol gutpela Kanage
tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: jwilson@wantok.com.pg

no go long Sekonderi o Nesenel Hai skul."

Mipela i bilip olsem olgeta sumatin long Gret 8, 10, 12 na ol narapela sumatin askim wankain kwesten olsem yu.

I nogat pinis bilong edukesen, na i nogat wanpela nogut samting long dispela. Em i man tasol i save mekim o tingim samting olsem i nogut; I gat narapela we long yu ken skruim edukesen bilong yu sapos yu no mekim i go long hai skuls o institusens. Sampela rot we yu ken skruim skul bilong yu em;

Yu ken apgredim mak long ol sabsek yu no mekim gut long ol long planti skul olsem, open kolis(CODE)

Yu ken traim tu ol arapela skul olsem Vokesenel o teknikal edukesenel kolis o Yu ken go stap long ples tasol yu mas yusim ol save yu bin lainim taim yu stap yet long skul.

Pren, taim yu luksave long hevi bilong yu, em bai helpim yu long kirapim bek dispela kain tingting na pasin yu bin stap long bipo.

Dispela rot ken helpim yu stretim olgeta hevi yu bin bungim na i ken kamapim gutpela senis long wei yu stap long en.

Taim yu save pinis as long wanem na mak bilong yu i go daun, orait yu ken mekim samting long kamap gutpela. Yu ken traim long noken yusim mobail fon, jonim ol yut grup long stap helti na kisim askim long famili, pren bilong yu, bikman-meri bilong sios, pastor o ol kaunselin oganaisesen.

Pren bilong yu,

Laiplain.

Laiplain.

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain

Tingim ol famili

Is Nu Briten tingim ol dai bilong Rabaul Queen disasta

Michael Novingu i raitim

SAMTING olsem 200 manmeri husat ol wanpin bilong ol i dai long solwara bilong Finsafen long Morobe provins long Februari 2, 2012, i kam bung las wik Sarere long Vunapope Katolik haus lotu long Kokopo na mekim lotu long tingim dai bilong ol.

Planti manmeri i kam long lotu i sori na krai long ol wanpin bilong ol i lusim laip bilong ol long dispela taim long 2013 taim MV Rabaul Queen i kapsait na kilim ol.

Ol i karim ol flawa na tromoi long nambis long Vunapope long makim olsem ol i dai long solwara taim Rabaul Queen i kapsait long solwara bilong Finsafen long Februari 2, 2012.

Las wik Sarere, Februari 2, em i namba wan krismas long makim dispela bikpela birua i kamap long kantri i lukim moa long 200 manmeri na pikinini i lusim laip bilong ol.

Ats Bisop bilong Rabaul, Fracisco Panfilo yet i mekim misa long Vunapope Katolik haus lotu long tingim ol lain i lusim laip bilong ol.

Long taim bilong lotu, aits bisop Panfilo i tok dispela misa i bilong selebretim laip bilong ol lain i lus long solwara bilong Finsafen long Februari 2, 2012.

Em i tok i hat long lus tingting long ol famili na wanpin i lusim laip long kain birua olsem i kamap long solwara.

Panfilo i tok ol dispela lain i bilip long Jisas Krai bai kisim bek laip bilong ol. Moa yet, em i tok Jisas em i rot, tru, na laip.

Em i tok dispela i no min olsem bai yumi lus tingting long ol, nogat yumi bai askim ol gavman atoriti long helpim mipela painim as bilong indai bilong ol long wanem wok bisnis na sip Rabaul Queen i no bin stret long taim em i karim pasindia i bungim dispela hevi.

Moa yet em i tok i hat long lus tingting long wanpela lewa famili memba bilong yu indai na hat long kisim em bek.

Bihain long lotu, Wesley Vue, husat i sef taim Rabaul Queen i kapsait, i tok olsem em i laik go long Lae na i go long Simbu long Kundiawa Luteran De Skul long wokim gret 11 bilong em.

Vue i tok olsem pastaim long em i lusim Rabaul bris, tumbuna bilong em, husat Pasto long Yunaitet Sios, i beten long em long wokabaut bilong em.

Em i tok long Rabaul na go long Kimbe, solwara i orait. Long Kimbe na go long Lae, solwara i bagarap. Vue i ringim papa bilong em na i tokim em olsem em bai kalap long Kimbe na stap long hap, tasol em i senisim tingting bi-



long em na i go long Lae.

Em i tok em i sindaun long namba wan dek long taim bikpela solwara i kirap paitim sip long Fonde moning long 5-kilok. Taim em i lukim olsem em i opim windua bilong sip na kisim 8-pela laip raf long sevim laip.

Vue i tok olsem long dispela taim, solwara i go insait pinis long sip, tasol em i traim hat na tromoi etpela laip raf i go aut long solwara. Long dispela taim, planti manmeri i stap pinis long solwara.

Vue i tok olsem em i laik go daun aninit long dek i stap daun-bilo long sip long helpim anti bilong em wantaim pikinini bilong en, tasol em i no inap bikos solwara i pulap pinis insait long sip

na tupela i dai insait long sip.

Em i tok, planti bilong ol mama na pikinini i stap aninit long sip i dai insait long sip.

Vue i tok em i wanpela long las man bilong lusim sip, em i kisim etpela raf i sevim 27-pela pasindia.

Long wankain taim, deputi gavana bilong Is Nu Briten, Boniface Setavo, i singaut long bikpela gavman long wokim eksen hariap long wok painimaut ol i karimaut long kapsait bilong Rabaul Queen.

Mista Setavo, was pikinini bilong em i lusim laip taim Rabaul Queen i kapsait long solwara bilong Finsafen long Morobe provins.

Em i tok olsem bikpela gavman i mas hariap long mekim disisen long wok painimaut komisen ov inkwairi i karimaut long sefti bilong ol pasindia i laik ron long solwara, na tu, long lain ol wanpin bilong ol i lusim laip bilong ol.

Setavo i tok olsem Deputi Prais Minista, Leo Dion i ridim aut dispela ripot long palamen long Oktoba las yia, tasol bikpela gavman i no mekim wanpela disisen long em yet.

Sapos gavman i mekim disisen hariap long dispela ripot, bai ol wanpin bilong ol i lus long solwara long kisim bel isi," Setavo i tok. Moa yet, em i tok olsem gavman i wokim disisen, i min olsem gavman i stap wantaim long serim

wari na hevi long ol lain bilong ol i lus long solwara.

Setavo i tok papa bilong Rabaul Siping Kampani, Peter Sharp, i no mekim wanpela samting long halivim ol wanpin bilong ol lain husat i dai long solwara.

Moa yet, em i tok em i no harim Peter Sharp i tok sori long ol lain bilong ol lain husat i dai long solwara, dispela kain pasin i no stret.

Setavo i tok tu olsem em i was papa bilong Joap Gerep krimas 23 we em i laik go skul long Balop tisa koles tasol em i lusim laip bilong em.

Em i singaut i go long ol manmeri taim ol i laik go aut long solwara long kisim was taim ol i laik go aut long solwara.

Moa yet em i askim ol bot opereta long gat ol sefti samting long sevim laip bilong ol pasindia taim ol i bungim taim nogut.

Long wankain taim, wanpela komiti ol i makim long maus bilong ol wanpin bilong ol dai long solwara na ol lain i sef long pait long kisim konpensesen long kampani Rabaul Siping.

Dispela komiti bai wok long kirapim wok long wanpela bikpela lotu bai kamap wantaim tumbuna pasin long 2014 long pinisim haus krai.

Komiti bai wokim fan raising long wokim wanpela memoriel ston bai gat nem bilong ol lain i dai long solwara bai ol i ken mekim lotu long dispela hap long olgeta krismas.

Ol komiti i sanap olsem, Siaman em Mark Todol, Docas Guta, Fidelma Tovue, Xystus Kinala, John Burua na Lawrence Tovue.

Emi tok dispela komiti bai wok hat long kisim samting ol i laikim long en.

Long wankain taim komisen ov inkwairi oli karimaut long Kokopo long mun Jun long 2012 i painim olsem papa bilong Rabaul Siping kamapani Peter Sharp i no bihainim trupela na stretpela pasin long ronim sip bilong em i kamapim birua na kilim moa long 200 manmeri.

Dispela ripot i go long bikpela gavman long kisim eksen long papa bilong Rabaul kwin. Planti wanpin husat ol lain bilong ol i dai, i tok ol i laikim papa bilong Rabaul Queen Peter Sharp i mas peim konpensesen mani i go long ol.

Long wankain taim priminista Peter O'Neill i singaut long polis Minista, Nixon Duban, long hariap long holim pasim ol lain i asua, na sasim ol long wanem ol i no bihainim trupela na stretpela pasin long ronim sip lukim i kapsait i kilim moa long 200 manmeri long solwara bilong Finshafen long Morobe Provins.

Em i gat blut na filings tu ya – em i no longlong man!

Mathew Yakai i raitim

LONG tok ples Garia insait long Waput asples, Usino Lokol Level Gavaman eria, Madang provins, ol i save kolim em POU – minim olsem “longlong” man. Man i no gat het na tingting na save painim pipia nambaut long rot.

Long ol taun na bikipela siti, bai yu lukim ol kain longlong man i werim bruk trasis na siot o planti taim, bai ol i as nating na painim pipia long dram olsem ol dok. Taim mama i karim Pou, turangu em i bin kamap wantaim maus na yau pas. Tasol bodi bilong em i nomol – lek na han, maus na pes, ai na nus na bikipela samting, save na tingting bilong em i nomol stret. Em i gat wankain blut na filings olsem yu na mi. Na mama givim nem, Wanana. Bikipela asua stret em papa God i bin pasim maus na yau bilong em long harim na toktok. Taim ol pipol bilong Waput i kolim Pou (longlong) long em, dispela yangpela man em trutru i no long long olsem ol longlong man save painim pipia na raun. Em wampela man bilong wok hat stret na winim tu planti man na meri insait long Waput na Usino LLG long sait bilong wok. Na tu save bilong em long lainim nupela samting em i bikipela stret na i ken kisim save hariap tru.

Long Fraide Feb 1, displa niusman i bin go long Waput Adventis Primari Skul long pasim bilong wampela woksop Ramu NiCo i kamapim long kakau na ol narapla agrikalsa wok na i guria long save olsem Wanana tu i bin stap insait long dispela bung.

Ol asples man i tok em save raun na kisim planti save long ol kain bung bilong agrikalsa na i save wokim planti wok fama long kakau.

“Em i save lukim eksen na demonstresin wantaim piksa long bod. Taim em i kisim het tok stret bai em i sekanim yu na lap. Nau yu bai save olsem em i kisim wanem samting yu toktok long em,” Samuel Masawa, agrikalsa trena na fil ekstensen opisa bilong Ramu NiCo i tok.

“Em man bilong wok stret na nogat les bilong em. Em wampela save man tu long badim kakau,” Samuel i tok.

Simeon Dikama em bikipela brata bilong em. Simeon i wanpla graduat bilong yunitek long Lae na i gat digri long Property Studies na save wok long Nesenel Hausing Komisnin (NHC) long Lae.

Simeon i tok ol manmeri i save kolim brata bilong em “longlong” long tok ples (pou) tasol dispela i givim em bikpla salens na save tokim em long wok hat stret long cocoa gaten.

Simeon i bin kamapim wanpla hekta cocoa blok long 2011 na Wanana i go pas long lukautim displa blok. Displa blok i bin

kamap wanpla bilong ol demonstresin blok taim Ramu NiCo i bin kamapim displa woksop long Waput las wik.

Blok ya em i klin stret, nogat bikipela bus na ol pruning na bading bilong kakaua em rait olgeta. Ramu NiCo i bin helpim long putim oda long 2008 na helpim Simeon long baim ol klon sidling long CCI – Murunas long Madang.

“Brata bilong mi bai kirap long bikipela monin stret taim ol manmeri i slip yet na bai wok long blok.”

“Nau em i save man stret long prunim ol kakau, badim ol na wokim ol narapela wok long kakau we planti ol nomal fama i lainim yet long save,” Simeon i tok.

“Taim em i wok long blok bilong mi, namba wan prodaksen i bin 65kg na namba tu prodaksen em 35kg, tasol boi ya wok hat stret na mi bilip kaikai bilong kakau bai i kamap bikpla,” em i tok.

Simeon i tok tu olsem Wanana i helpim em long rerim tuplea blok long planim moa kakau. Na tu em i save wokim ol gaden wok bilong em na ol narapela wok tu.

“Tingting bilong em na pasin bilong em i nomol stret. Em i nogat wrong tasol em maus pas na yau pas na ol i save kolim brata bilong mi longlong ya,” Simeon i tok. Long taim bilong fil demonstresen long blok bilong em, Wanana i bin mekim ol eksen na lap wantaim dispela niusman na i bin sikan klostu klostu wantaim em. Sam-

pela man husait i bin lukluk i tok olsem em i amamas long mitim dispela niusman.

Long sampela taim bilong dispela bung long Waput, Wanana tu i laik bai dispela niusman i bai kisim piksa bilong em long klasrum na long blok bilong em tu.

“Em save olsem yu wampela niusman na em i laikim yu raitim stori bilong em olsem em i no longlong olsem ol man i save toktok,” wampela asples man i tok.

Taim dispela niusman wantaim brata bilong Wanana, Simeon i toktok, em i sindaun na tingting wantaim bikipela wari wanem samting stret na ol i toktok wantaim nogat planti eksen.

Tasol long dispela taim, Simeon i tokim dispela nius man olsem em i gat bikipela plen insait long laip na bihain sindaun bilong Wanana.

“Ol manmeri i kolim brata bilong mi longlong tasol long me, em i nomol man. Mi gat bikpla plen bilong em i stap.”

“Mi plen long baim wanplea motobaik bilong em, wokim wampela gutpela haus bilong em na maritim wampela gutpela meri bilong em,” Simeon i toktok.

“Ol ting em i long long tasol wampela taim bai brata bilong mi bai raun long motorbaik na siip long gutpela haus wantaim meri na pikinini bilong em,”

Ol i ken kolim Wanana olsem “Pou” – minim “longlong” tasol turangu em i gat “blut na filings tu ya – em i no longlong man”.



Wanana i soim diwai kakau em yet i bin badim



Wanana i bin stap insait long woksop na putim han antap long askim kwesten maski em i maus na yau pas.



Samuel Masawa bilong Ramu NiCo i soim ol fama long wei bilong lukautim gut kakau.

OL fama i amamas wantaim agrikalsa woksop

Mathew Yakai i raitim

OL fama long Waput ples insait long Usino Lokel Level Gavman eria long Madang Provins i soim bikipela amamas long wanpela woksop Ramu NiCo i bin kamapim las wik we i soim ol long lukautim gut kakau, rais, poltri o kakaruk, pis na ol narapla agrikalsa wok.

“Mipela i groim rais, kakau na ol narapela kaikai na abus, tasol mipela i nogat save long kamapim i go bikipela na dispela woksop i mekim mipela i luksave long planti gutpela save na bisnis stret.”

“Mipela i tok tenkyu long Ramu NiCo long kamapim dispela woksop. Sapos mipela i

laik askim ol narapela lain long kam skulim mipela, bai ol sasim bikipela mani stret,” Simeon Dikama, wanpela modol kakau fama na asples man husat i stap insait long dispela woksop i tok.

Mak long 60 manmeri i kamap we i lukim 11-pela meri na 49 man i stap long dispela woksop i bin stat long las wik Tunde Jan 27 i go long Fraide Februeri 1.

Dispela woksop em Ramu NiCo i go pas wantaim sapot bilong ol patna olsem Dipatmen bilong Agrikalsa na Laipstok (DAL) long Walium, Usino LLG, CCIPNG na DAL long Madang.

Woksop ya i kamapim ol bikipela het toktok olsem Sas-tenebol Developmen

na Wokim ol Disisen, Kakau Rihabilitesen & Dvelopement, Poultry o Kakaruk Developmen, Rais Faming na Fres Wara Pis Farming.

Mista Dikama i tok d i s p e l a woksop ya i kamapim bikipela luksave stret we ol fama i save laikim na askim Ramu NiCo na ol patna insait long wok didiman na divelopmen long kamapim wankain skul na woksop long bihain.

“Yuplea i mas kam bek na sekim mipela olgeta taim na skulim mipela moa long kain save”, Dikama i tok.

Waput Adventis Praimeri Skul het masta, Richard Silas i tok tenkyu tu long Ramu NiCo long kamapim kain woksop long skul bilong em na i promis tu olsem dua

bilong skul i op sapos kampani i laik kamapim moa woksop long bihain taim.

“MCC-Ramu NiCo em i no wanpela sariti grup na kain ol gutpela fri woksop olsem mipela i mas lainim planti samting na kamapim kaikai stret,” Silas i tok.

Ol narapla manmeri husat i stap insait long dispela woksop i amamas long Ramu NiCo na ol patna bilong em, na tok strong olsem wankain woksop i mas kamap olgeta taim long bihain.

Agrikalsa Supavaisa wantaim Ramu NiCo,

Allan Wahwah i tok tenkyu i go long ol asples manmeri long kamap long dispela woksop, na tok tu olsem Ramu NiCo i gat bikipela plen long kamapim na wok bung wantaim ol komyuniti aninit long luksave bilong MOA, na gutpela bilong kampani tu long nau na bihain taim.

Mista Wahwah i tok tu olsem Komyuniti Afes opis bilong Ramu NiCo i stap sambai tasol long givim moa save long ol fama.

Wankain woksop na trening bai i kamap bihain long Waput na ol narapela impek eria bilong Ramu NiCo Projek.

Groa bilong wok mani bilong kantri bai gutpela

AUSTRALIA Nu Silan Benk (ANZ Benk) i mekim bikipela wok long fainens na benking sekta long PNG, Praim Minista Peter O’Neill i tok.

Mista O’Neill i tok olsem bihain long ANZ Benk i autim ripot bilong em we em i gat bikipela luksave long PNG olsem kantri bai wokim gut long bihain taim.

“Sif Eksekyutiv bilong ANZ, Mike Smith i gat bikipela bilip olsem bihain taim bilong PNG bai gutpela long sait bilong mani, na em i luksave long ol rot we gavman bilong mi i kisim long lukim olsem bihain taim bilong yumi i gutpela we i fokas long apgretim na mekim i go bikipela ol

infrastraksa o ol rot we bai kisim mani i kam insait long kantri na tu, long lukim olsem pipel i wok hat long kamapim ol wok.

“Mi welkamim ol tok tok bilong Mista Smith olsem PNG bai kisim gutpela samting long groa bilong Esia rijen. Mi wanbel long ol tingting bilong em we i wankain olsem bilong mi wantaim tu ol polisi we gavman bilong mi i putim olsem prairiti long 2013,” Mista O’Neill i tok.

Ripot we ANZ i bin komisinim i autim olsem wantaim planti naturel risos PNMG i gat, salens bilong yumi i bilong divelopim ol gut, serim na lukim olsem ol mani we ol risos i kamapim em kantri na pipel i menesim gut.

“Olgeta bikipela investa mi bungim i save tok olsem politiks long kantri i mas stap gutpela. Olsem na gavman bilong mi i laik kamapim senis long mama loa bilong lukim olsem gavman i mas stap isi na gut na kari-maut ol wok long neks 4-pela yia bilong em.

Mista O’Neill i bilip olsem ANZ Beng bai skruim wok i go na kamap olsem wanpela lida bilong benking insait long dispela kantri.

Long wankain taim naturel risos sekta long PNG inap kamapim manimak i winim US\$25 bilian long salim ol samting i go ausait long kantri, Sif Eksekyutiv opisa (CEO) bilong ANZ Benk, Mike Smith i tok.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
PNG K220.00, Australia/New Zealand US\$110.00, Asia/Pacific US\$150.00
Rest of the World US\$210.00

NCD HOME DELIVERY
K0.80t per copy or K65.00 Home Delivery & K52.00 Office pickup subscriptions per copy each issue annually.

Please send me.....copy/copies of **WANTOK** for one year.

I enclose Kina/USD..... as full payment.
Name.....
Postal Address.....
City.....
State/Province.....(abbreviation)
Country..... Zip/Postal Code.....
Street Address.....
Telephone.....Fax.....
Email.....
Signed.....Date.....

Address: Subscriptions
Word Publishing Company Ltd
PO BOX 1982
Boroko, NCD 111
Papua New Guinea

Attn: **Luke MEK** (Circulation & Distribution)



GLASIM RAMU NICO PROJEK



Wanpela Ramu NiCo, Wanpela Komuniti

Komuniti Laik Long Mekim Moa Wok Fam

OL KOMUNITI insait long impekt eria bilong Ramu NiCo Projek i soim bikpela hanger long mekim wok fam na kamapim mani bilong ol yet long graun na i no laik weit long han bilong gavaman na ol bikpela projek divolopa.

Dispela tingting i bin kamap klia long las wik taim Ramu NiCo wantaim ol patna bilong em, Dipatmen ov Agrikalsa na Laipstok (DAL) long Walium, USINO LLG, CCIPNG na DAL long Madang Provins i kamapim wanpela wik agrikalsa terining long Waput Adventist Pri-mari Skul insait long Usino LLG.

Moa long 60-pela manmeri i kamap long dispela woksop long Tunde Jenuari 29 i go Fraide Febru-ari 1 na i bin lainim ol bikpela save ananit long ol topik olsem, Sustainable Development & Decision Mak-ing, Cocoa Rehabilitation Development, Poultry Development, Rice Farming na Fresh Water Fish Farming.

Agrikalsa seksen bilong Komuniti Afes dipatmen long Ramu NiCo Projek i bin go pas long kamapim dispela woksop wantaim ol saveman bilong em ananit long luksave bilong Ramu NiCo long kamapim na strongim bilip bilong ol manmeri long asples bilong wok long graun na kamapim gutpela sindaun insait long family na komuniti.

Samuel Masawa na Seit, tupela field extensen opisa bilong Ramu NiCo husait i lukautim Inlan Paipplain eria we Waput i kam ananit long em i tok ol manmeri i kamapim pinis ol planti agrikalsa projek olsem growim rais, cocoa, fish na ol narapla samt-ing tasol ol i no gat klia save long menesim na kamapim i go bikpela. Long displa as, Ramu NiCo i laik kirapim skills na save bilong ol i go bikpela.

Allan Wahwah, Supavaisa bilong agrikalsa ananit long Komuniti Afes bilong Ramu NiCo husait i bin kamap long passim bilong dispela woksop i hamamas tru long bikpela namba bilong ol manmeri i kamap na lainim planti save.

Em i tok ol asples lain i gat olgeta samtig pinis tasol ol i no save long kamapim gut long bai i givim gutpela sindaun long ol na long dispela as tasol Ramu NiCo i laik kam insait long helivim na kirapim save bilong ol.

Mista Wahwah i tok tu olsem Ramu NiCo i laik wok bung wantaim

ol asples lain long bai kirapim gutpela sindaun insait long komuniti long ol narapela wei na i no long sait bilong wok long main tasol

Planti lain husait i bin kamap long woksop i hamamas long Ramu NiCo na ol patna bilong em long kamapim kain fri woksop.

Wanpela tisa bilong Waput Adventis Praimiri Skul, Richard Silas i salensim ol pipol long kirapim ol yet long save na wok strong long kain save we Ramu NiCo i givim na mas noken les nambaut.

Simeon Dikama, narapela asples man na cocoa model fama husait i stap long dispela woksop i givim bikpela tok tenkyu long Ramu NiCo long kamapim kain woksop we i kirapim tingting bilong ol stret.

"Mipela i growim cocoa, rais na ol narapela krops tasol nogat save long lukautim ol. Kain woksop i helivim mipela stret na plis noken lusim mipela, kam bek na sekim mipela olgeta taim," Simeon i toktok.

Simeon i tok tu olsem ol famas i nidim funding tu na askim Ramu NiCo na ol narapela patnas wantaim gavaman long sapotim ol na ol i ken kamap strong na bikpela insait long komuniti.

Wanpela maus meri, Lilly Silas husait i kamap long bung tu i soim hamamas bilong em long Ramu NiCo na tok olsem planti mama i growim rais tasol nogat mill long klinim rais bilong ol.

"Mipela ol mama i growim rais tasol nogat mil bilong klinim na nidim stret wanpela bilong mipela yet," Lilly i tok.

Pasta Raymond husait i bin kamap long bung tu i soim bikpela hamamas bilong em na tok, kain trening wantaim blessing bilong God bai kamapim bikpela kaikai insait long laip bilong ol wanwan manmeri.

"Wantaim blessing bilong God, yumi ken move forwud na gro bikpela na askim Ramu NiCo long stap wantaim mipela olgeta taim," Pasta Raymond i toktok.

Narapela meri lida, Eli Seit i tok em i ai gris stret long ples rais we i gat naispela na gutpela smel na teist na i laik growim planti stret.

"Kain ol save yumi kisim em mas kamap stret na yumi growim planti rais," Eli i toktok.

Eli i askim Ramu NiCo long kamapim planti kain woksop na tu helivim ol pipol wantaim liklik mani long kamapim ol i go bikpla.

Hedmasta bilong Waput Adventist

Praimeri Skul, Richard Silas i tok tenkyu long ol i makim skul bilong em long kamapim dispela woksop na i tok skul i stap sambai tasol long helivim kain woksop na bung long bihain taim tu.

Mista Silas i tok tu olsem skul i gat nid long sampela helivim tu na sapos Ramu NiCo na gavaman i ken helivim tu bai ol papa na mama bai hamamas.

"Mipela i laik kisim Gret 9 klostu na sapos yupela helivim skul bai skul i hamamas tu long helivim yupela."

Woksop i bin pinis long last Fraide wantaim field visit na bikpela kaikai bung we ol mama i mekim kamap. Ramu NiCo team i tok tenkyu tru long naisplea kaikai na gutpela pasin bilong ol mama na papa. God i ken blesim yupela moa.



Samuel Masawa i soim ol long wei bilong lukautim cocoa.



Ol lain husait i bin kamap long woksop i sanap long grup piksa.



Woksop lain i putim han antap na soim olsem ol i laikim dispela woksop i bin kamap.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

Wanpela Ramu NiCo, Wanpela Komyuniti

Askim go long Sinivit LLG long noken pasim graun

Michael Novingu i raitim

SINGAUT i go long pipel bilong Sinivit LLG long Pomio distrik long Is Niu Briten long noken pasim graun bilong ol, givim i go long ENB provinsel gavman bai wokim seven kilomita rot long Kokopo i go bungim Pomio.

Presiden bilong Is Pomio LLG Herman Yareng i mekim dispela singaut bihain long sikspela pablik seven long Is Nu Briten

provinsel gavman i lus long solwara namel long Pomio Na Kokopo long Jenueri 2013.

Mista Yareng i tok olosem sapos nogat kros long graun na gavman i wokim rot i go long Pomio bai nogat kain hevi olosem i kamap long ol dispela wok lain bilong Is Nu Briten provinsel gavman.

Em i singaut i go long ol pipel husat i papa long ol hap graun long Sinivit LLG long givim tok orait bai ENB provinsel gavman i wokim

rot i go long Pomio.

Mista Yareng i tok olosem sapos rot i go long Pomio bai kisim plenti gavman sevis i go long Pomio long kirapim gutpela sindaun bilong ol long ol komyuniti bilong ol.

Em i tok sevenpela kilomita tasol i stap long wokim rot bai kamap long Pomio. Moa yet em i askim ol papa graun long larim na wok bung wantaim ENB provinsel gavman long wokim rot bai mekim isi long ol manmeri bilong Pomio kam long

Kokopo long wokim bisnis bilong ol. Moa yet em i tok rot em i bikipela samting bai kisim developmen i go long manmeri bilong Pomio long helpim sindaun bilong ol.

Yareng itok dispela kain pasin long kros long graun bai stopim gavman na arapela sevis i go long Pomio distrik bai lukim ol manmeri bilong Pomio bai stap turlangu yet.

Long wankain taim Gavana bilong Is Nu Briten Eremen ToBaining junia i sapotim singaut bilong Presi-

den bilong Is Pomio LLG Herman Yaren long ol papa graun bilong Sinivit LLG long givim graun bilongol long gavman bai wokim rot long Kokopo igo long Pomio distrik.

Gavana ToBaining i tok olsem Sevenpla kilo mita tasol istap long mipela bai wokim rot bai bungim Kokopo na Pomio. Moa yet em i tok olosem moni bilong wokim rot i redi pinis, mipela wetim tok orait bilong ol papa graun bai mipela kirapim wok long pinisim Sevenpla kilo-

mita i stap yet.

To Baining itok olosem ENB provinsel gavman bai peim nupela patrol bot long moni mak olosem K3000,000 long helpim kari-maut wok long ol ailan na nambis ples bilong Is Nu Briten.

Em i singaut i go long manmeri bilong ENB long wokbung wantaim em na provinsel gavman long lukim gavman sevis bai go long ol manmeri long provins long kirapim gutpela sindaun bilong ol.

Ol meri laik groim moa asples rais

OL MERI long Waput na Danaru, insait long Usino lokol level gavman eria long Madang provins, i gat bikipela laik long go insait long groim rais, bihain long wanpela wan-wik woksop long groim rais na fud sekyuriti.

Woksop long rais faming na arapela ol wok agrikalsa, em Ramu NiCo na ol patna bilong en i bin go pas long kamapim long wik i go pinis.

Mausmeri Lilly Silas, i tok ol nid bilong ol meri i gat planti samting, tasol groim rais, em wanpela long ol dispela nid, bikos ol i groim pinis, na lukim kaikai tru bilong en.

"Mipelai groim rais na gat

bikipela laik long lukim planti famili i groim rais bilong ol klostu," Mis Silas i tok.

Em i tok lokol rais, em ol i groim long planti hap pinis, na i gat rot long moa famili i go insait long groim rais, sapos inap halivim na save i go aut long ol.

"Mipela i groim rais pinis, tasol mipela i nidim moa trening na skil," em i tok. Narapela model rais fama, Eli Seit, i tok lokol rais em i teis nais, taim ol i redim, na em i strongim planti ol arapela meri na famili long groim lokol rais.

"Lokol rais em i teis nais, na i gutpela long famili bilong mi, na mi mas groim moa," Mis Seit i tok.

Dispela wan wik woksop i pulim samting olsem 11 meri na 59 man. Wankain ol woksop bai kamap long I arapela Ramu NiCo Projek impek eria long Kurumbukari long Bundi LLG, i go inap long Rai Kos distrik. Woksop em i hap bilong ol agrikalsa trening na woksop Ramu NiCo i givim long skulim ol pipel long ol wok agrikalsa na promosen bilong fud sekyuriti. Program i bin kirap taim Rami NiCo Projek i sanap long Madang, na inap tude, planti famili na wanwan manmeri i go insait long wok groim rais, kakau, kopra, kakaruk, inlen pis faming, na ol arapela wok.



Lilly Silas, wanpela meri lida, i askim long kisim moa sapot long taim bilong woksop.



Eli Seit i tokaut long woksop olsem lokol rais em i teis nais moa na i mobeta long groim.



LUKIM MODEL RAIS FAM: Ol woksop lain i lukim wanpela model rais fam i save promotim inta-kroping wantaim kakau.

Brata bilong snobod, brata bilong sketbod



SAPOS yu bin ridim stori bilong yumi long hi alas wik, bai yu tingim olsem yumi bin toktok long sketbod (skateboard), wampela stail wilwil we i gat ples bilong sanap antap na ron i go.

Dispela wik bai yumi lukluk wampela samting we i wankain olsem sketbod tasol i no save ron long graun olsem em.

Nem bilong en em snobod (snowboard), we i wankain olsem sketbod tasol i nogat ol wilwil aninit long en.

Ol snobod tu i longpela liklik moa long ol sketbod na ol i save ronim ol antap long sno tasol.

Olsem na yumi ken tok olsem snobod em i olsem brata bilong sketbod.

Na long ronim, yu mas save gut tu long sanap antap long en na stiaim bilong wanem em i save ron spit tru taim em i wel antap long ais

Histri bilong gem

Namba wan taim tru bilong wampela man i mekim wampela samting olsem snobod em long 1965 long Yurop (Europe), Kanada (Canada) na Not Amerika (North America).

Man i mekim dispela em Sherman Poppen na em i kolim dispela samting olsem "Snurfer" (snefa) we em i kisim long hap nem bilong "Snow" (sno) na "Surfer" (sefa).

Dispela em bilong wanem astingting na stail bilong ronim snobod em i wankain olsem bilong ol lain husat i save yusim sef bod long solwara.

Wankain astingting tu i stap long sketbod olsem yumi toktok long en las wik.

Dispela snefa Poppen i mekim, i no olsem ol snobod tru bilong tete tasol astingting na stail bilong en i wankain.

Long nau, olgeta manmeri luksave olsem tupela man husat i kamapim snoboding em Jake Burton na Tom Sims.

Long 1981, sampela pilaia i bin go long Frens long lukim sampela pilai bilong ais long hap na long 1983 ol i go bek na ronim ol namba wan snobod bilong ol.

Dispela ol bod i no olsem bilong tete, ol i mekim ol wantaim hap diwai, liklik hap aluminium ain na sais bilong en i olsem ol sketbod tasol.

Bihain long dispela, save bilong mekim na ronim ol snobod i go bikipela na nau i gat kain kain ol stail bod i kamap.

Stail bilong pilai

Snobod em i stat olsem wampela samting bilong ol manmeri long pilai wantaim long ais tasol nau em i bikipela na i kamap olsem wampela spot insait long Winta Olimpik (Winter Olympics) Gems tu.

Long dispela gem, ol pilaia i save traim long ronim bod bilong ol i go daun long mauntain na traim long raunim ol mak we i save sanap insait long sais.

Husat i kamap long as bilong dispela liklik mauntain hariap tru i save win.

I gat sampela ol arapela stail bilong pilai dispela gem tu.

Sampela long dispela em i olsem X-Gems bilong sketbod we ol pilaia i save ronim snobod bilong ol i go antap na kam daun long wampela kain ais wol we i go antap long sait sait na namel i go daun tru.

Taim ol i go antap long wampela sait, ol i save kalap na mekim kain kain stail bipo ol i go daun gen long namel na ron i go long narapela sait.

Sampela i save resis i go daun long maunten na samting i save traim long ron namel long ol diwai na kalapim ol baret, ston na arapela samting.

Em i no isi long lainim snobod na taim yu nupela bai yu pundaun klostu klostu taim bod i wel antap long ais.

Stail bilong sanap na stiaim snobod em i wankain tasol olsem sefbod bilong solwara na sketbod bilong graun.

Long dispela as na planti ol lain husat i save ronim snobod i save tu long ronim ol sefbod na sketbod.

I gat kain kain sais bilong ol snobod long inap laik na save bilong wanwan mameri tasol olgeta i save mekim wankain wok.

Snobod long PNG

Em bai hat long snobod i kamap long PNG bilong wanem ais i no save pundaun long kantri bilong yumi.

Tasol dispela i no min olsem yu bai no inap long lainim o save long pilai dispela gem.

Sapos yu go long wampela kantri we i save gat ais na sno long en orait yu ken traim save bilong yu long ronim wampela snobod.

Plantu Papua Niugini manmeri save nau long ronim sketbod na sef bod olsem na ol bai no inap painim hat tumas long ronim snobod.

Wampela samting tasol ol i ken mekim em long painim ples we i gat sno long en.



OLSEM DAS: Wampela man i spit nogut tru wantaim bod bilong em na ais i kirap long baksait olsem das.




KALAP: Wampela man i kalap i go antap long sno wantaim bod bilong em.



KALAP: Wampela man i kalap i go antap long sno wantaim bod bilong em.



WANWAN SAMTING: Ol hap hap bilong snobod na su bilong ol pilaia long werim taim ol i sanap antap long bod.



MAK MAK: Wanwan hap bilong bod we ol i save katim bihainim long mekim.

PNG Residen tok tenkyu long Sponsa



NSL kik ov wantaim stail



Oro FC



Isten Sta FC



Pom FC

OI Spot Eksen poto long wiken...

OI Poto Nicky Bernard.

Senta bilong
BSP lukluk long
sapot.

Wolves pitsa
tromoi bal.

Minista Abal sikan
long kepten FC Pom
long opim NSL soka.

- Weekend Sports -

Round 2 Draw: Telikom - NSL

Date	Time	Team A		Team B	Venue	Destination
9/2/2013	1:00PM	Welgris FC	Vs	Hekari Utd FC	IKS	LAE
9/2/2013	3:00PM	FC Pom	Vs	Gigira Laitepo Morobe FC	SIG	POM
9/2/2013	3:00PM	Besta PNG Utd FC	Vs	NC Civil Oro FC	IKS	LAE
9/2/2013	3:00PM	WNB Tavor FC	Vs	Eastern Stars FC	KIMBE	WNB

POMSL & POMWSL INC

Saturday, 9 February 2013

DIAMOND ONE

TIME	TEAMS	TEAMS	GRADE	REMARKS
9.00	United Brothers	Wolves	B	POMSL - R0G10
10.30	PNG Power	Brown Eagles	B	POMSL - R0G10
12.00	Defence	Wolves	B	POMSL - R0G10
13.30	Mantaray	Lifers	B	POMSL - R0G10
15.00	Bears	Stingers	B	POMSL - R0G10
	SPE: LBC Gazelle		B	

Saturday, 9 February 2013

DIAMOND ONE

TIME	TEAMS	TEAMS	GRADE	REMARKS
9.00	United Brothers	Kopex	B	POMSL - R0G10
10.30	PNG Power	Brown Eagles	B	POMSL - R0G10
12.00	Defence	Wolves	B	POMSL - R0G10
13.30	Mantaray	Lifers	B	POMSL - R0G10
15.00	Bears	Stingers	B	POMSL - R0G10
	SPE: LBC Gazelle		B	

DIAMOND TWO

TIME	TEAMS	TEAMS	GRADE	GRADE
9.00	Gazelle Wantoks	Admiralty Sisters	U/16	POMWSA - R0G1
10.30	Wolves	Gazelle	B	POMWSA - R0G1
12.00	Chebu	Wantoks	B	POMWSA - R0G1
13.30	Stingers	Gazelle	A	POMWSA - R0G1
15.00	Wolves	Chebu	A	POMWSA - R0G1

DIAMOND TWO

TIME	TEAMS	TEAMS	GRADE	GRADE
9.00	Gazelle Wantoks	Admiralty Sisters	U/16	POMWSA - R0G1
10.30	Wolves	Gazelle	B	POMWSA - R0G1
12.00	Chebu	Wantoks	B	POMWSA - R0G1
13.30	Stingers	Gazelle	A	POMWSA - R0G1
15.00	Wolves	Chebu	A	POMWSA - R0G1

DIAMOND THREE

TIME	TEAMS	TEAMS	GRADE	GRADE
9.00	Chebu Bears	Stingers Wolves	U/16	POMWSA - R0G1
10.30	Bears	Stingers	B	POMWSA - R0G1
12.00	Admiralty	United Sisters	B	POMWSA - R0G1
13.30	United Sisters	Admiralty	A	POMWSA - R0G1
15.00	Bears	Wantoks	A	POMWSA - R0G1

DIAMOND THREE

TIME	TEAMS	TEAMS	GRADE	GRADE
9.00	Chebu Bears	Stingers Wolves	U/16	POMWSA - R0G1
10.30	Bears	Stingers	B	POMWSA - R0G1
12.00	Admiralty	United Sisters	B	POMWSA - R0G1
13.30	United Sisters	Admiralty	A	POMWSA - R0G1
15.00	Bears	Wantoks	A	POMWSA - R0G1

B GRADE LADDER

	PLAYED	WON	DRAW	LOSS	FORFEIT	RUNS FOR	RUNS AGAINST	POINT
CHEBU	8	7			1	102	30	21
STINGERZ	8	5		3		91	89	18
ADMIRALTY	8	5		3		57	78	18
UNITED SISTERS	8	5		1	2	87	57	16
BEARS	8	4		2	2	49	34	14
WANTOKS	8	3		4	1	82	79	13
WOLVES	8	1		7		68	102	10
GAZELLE	8			5	3	26	93	5

A GRADE LADDER

	PLAYED	WON	DRAW	LOSS	FORFEIT	RUNS FOR	RUNS AGAINST	POINT
BEARS	8	6		2		78	34	20
STINGERZ	8	6		2		60	26	20
UNITED SISTERS	8	6		1	1	82	53	19
CHEBU	8	5		3		61	39	18
GAZELLE	8	4		4		62	43	16
WANTOKS	8	4		4		65	56	16
ADMIRALTY	8	1		7		29	124	10
WOLVES	8			7	1	24	86	7

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Central Waigani, NCD.

8pela Tim Redi long Pilai Ipatas Kap- Sauten Regin

Samuel Peter Koim i raitim

TUMORA Fride, Coca Cola Ipatas Cup long Sauten Regin bai kik op long Pot Mosbi ragbi lig graun. 8pela tim i rejista pinis na redi long pilai insait long dispela bikipela Op-Sisen Ragbi Lig Kompetisen.

Sempion bilong las yia, Housething Paga Panthers, bai kam aut gen strong na pait long strongim ples em bin holim long las yia. Planti ol gutpela pilaia bilong ol i bin go long Inta-Citi bihainim dispela win bilong ol.

Ol biknem pilai bilong Paga

olsem Charile Simon, Roger Laka, Paul Kambi (Enga Mioks) na Bobby Kopi (Vipers) i kam bek gen long strongim na winim bekim taitol ol i bin olim long yia 2012.

Tasol, nau (2013) em no bai isi olsem las yia. Olgeta sevenpela (7) tim husat bai kisim fil long Fride, i gat ol wankain pilaia tu. Sempion tim bilong Pot Mosbi Ragbi Lig kompetisen, Eda Ranu Dobo Warriors, em narapela strongpela tim tu we i kam in long dispela yia salens.

Tim husat bin resis wantaim Dobo long Grenfainol las yia, PNG Ports Brothers, i bai givim gutpela salens gen long

dispela Sauten Regin gem. Tasol, long dispela ragbi salens, em bai kam strong tru bilong wanem, planti ol gutpela pilai bilog em husat pilai long inta-city olsem Bobby Mori na Timothy Komane bai joinim ol na mekim fowet pek bilong ol i go strong na bikipela moa.

Ol op-sisen tim, olsem Laigap Comfort Brothers, Waigani Ira Lai na MK Brothers bai gat sans tu long dispela yia. Em ol tre (3) pela tim we i no save pilai insait long Pot Mosbi Ragbi Lig. Laigaip Brothers i bin pilai las yia. Em wanpela tim we i gat planti yangpela na ol gutpela pilaia. MK Brothers na

Waigani Ira Lai em tupela nupela long dispela kompetisen.

Wankain taim tu, Hekari Tarangau em narapela nupela tim long PRL Ragbi Lig husat bai tek pat long dis yia resis.

Olgeta i stap insait long tupela Pool. Pool A tim em, MK Borthers, Laigaip Brothers, Hekari Tarangau na Waigani Ira Lai.

Pool B Tim em, Eda Ranu Dobo Warriors, PNG Ports Brothers, Housething Paga Panthers na Blackswan Royals.

Gem bai stat long Fride. Ol bai pilai long Sarere tu na fainols bai kamap long Sande long dispela wik.



Keptan bilong olgeta eait (8) pela tim husat bai pilai long Coca Cola Ipatas Kap i sanap long kisim photo.

i kam long bek pes

Telikom NSL i kik ov las wiken

POM FC bai lukautim Se John Gais Stadium gen taim ol bai bungim ol mangi Gigira Laittepo bilong Morobe, dispela pilai bai wanpela gutpela pilai long wanem dispela tupela tim save gut long pilai bilong ol yet.

Olgeta pilai bai kamap long Sarere long dispela wanwan provins, ol dispela tim husat i pilai long haus graun bilong ol bai pulim bikipela sapota long helpim ol long winim gem bilong ol.

Dispela ol gem kamap em ol namba tu raun nau, na dispela bai mekim olgeta tim i kisim bek fom bilong pilkai bilong ol.

Digicel Kap bai kik ov long Epril 7

Nicky Bernard i raitim

BIKPELA na strongpela ragbi pilai bai kik ov long Epril. Digicel kap em wanpela long bikipela resis long kalenda bilong ragbi lig long Papua Niugini.

Long dispela wik, jenerel menesa bilong PNGNRL Hubert Warupi, i tok aut long det bilong pilai na tok olgeta samt-ing i redi pinis long pilai.

"8-pela tim i konfem long pilai wantaim nupela tim bilong Simbu TNA Lions na olupela tim olsem Stop N Shop Pot Mosbi Vipers, Gulf Isapea,

Agmark Gurias, Snax Tigers, Structural Bridging System Limited Mendi Muruks, Wantok Gaming Systems Mt Hagen Eagles, Bintangor Goroka Lahanis na Enga Mioks" Warupi i tok.

Ol dispela tim nau i konfem long pilai long 2013 Digicel kap, dispela ol tim ol tokaut long wanpela bikipela miting bilong ol long yia go pinis na dispela yia ol kamapim tim bilong ol.

Plantilong ol dispela tim nau i wok long kilim skin long trening bipo long taim bilong dispela bikipela resis bilong Digicel kap bai kik ov.



Progam bilong painim ol gutpela pilaia

OLGETA manmeri nau i wok long lukluk long 2015 Pasifik Gems tasol tupela Neseneel Spots Ogenaisesen bilong yumi, PNG Sports Foundation (PNGSF) na PNG Sports Federation and Olympic Committee (PNGSFOC) i wok long painim ol gutpela yangpela manmeri husat i ken pilai gut na makim kantri long dispela bikipela gem.

PNGSF i kamapim wanpela program ol i kolim "Grassroots to Gold" we i gat bikipela astingting long painim ol nupela na gutpela yangpela spotsmanmeri bilong redi long 2015 gem.

Dispela i gutpela tasol i nogat inapt aim long painim ol dispela lain na redim ol gut tru bilong dispela gem, we i kamap klostu pinis.

Wanpela gutpela samtig em olsem, dispela wok bilong painim ol gutpela yangpela pilaia em i no bilong 2015 Pasifik Gems tasol, em i lukluk tu long ol arapela tonamen na gem we bai kamap long ol yia i kam bihain tu.

Dispela program i kamap nau na bai stap olgeta taim, bihain long 2015 gems bai em i kisim sapot long surukim wok bilong en i go yet.

Insait long 5-yia stretejik plen bilong PNGSF 2013-2017, ol i lukluk tu long wok bilong painim ol gutpela yangpela pilaia long olgeta rijen, provins, distrik na LLG insait long kantri.

Dispela bai kamapim wanpela ples bilong olgeta spots long painim na kisim ol manmeri long pilai bilong ol.

Bihain long ol i luksave na painim aut ol dispela manmeri, ol bai putim ol i go insait long ol developmen trening program long redim ol long ol gem we ol bai stap insait long en.

Ol dispela etlit bai kisim gutpela lukaut bai ol i ken kamap namba wan tru long wanwan spot bilong ol.

Olgeta spots opisa bai go pas long ronim dispela program long wanwan ples ol i stap long en.

Program bai kamap olgeta hap long kantri long wanwan skul ol i makim long en.

Sampela ol tes bai kamap insait long dispela program long helpim ol wokman i luksave long ol lain husat i soim gutpela mak bilong pilai wanpela gem.

Bihain bai ol i kisim dispela ol pilaia na helpim ol i kamap gutpela moa long spot bilong ol.

I mas i gat planti gutpela save manmeri long ronim dispela program na tu ol risos olsem ol mani na ol samtig bilong wok long lukim em i kamap gut na i go moa yet.

Tasol program yet bai no inap kamap em yet na wok gut, i mas i gat gutpela wokbung tu i kamap namel long olgeta insait long spots, ol sponsa, gavman na arapela tu.

Olgeta stekholda bilong yumi mas givim han long mekim em i kamap gut long olgeta hap bilong dispela kantri.

Gavman yet bai go pas long ronim dispela program aninit long nem na was bilong PNGSF.

Tasol i no gavman wanpela bai givim sapot long en, ol sponsa na husat i ken helpim tu i mass givim han, em i bilong yumi olgeta.



NEW PREMIUM TUNA

DIANA

PROUDLY PNO MADE

DIANA Hot & Spice
 DIANA Milder & Creamy
 DIANA Natural No Oil
 DIANA Milder Tuna with Oil
 DIANA Barbecue Flavour

80% Tuna Content
 No Preservatives
 No MSG
 No Artificial Colours



Straika bilong FC Oro (grin jesi) i traim long abrusim pilaia bilong Isten Sta long opening bilong NSL resis long Pot Mosbi. Isten Sta i winim dispela pilai 3-0.
Poto Nicky Bernard

Isten Sta i sain

Nicky Bernard i raitim

TELIKOM NSL i kik ov long wiken i go pinis, tripela nupela tim i kam insait long dispela semi profesinel soka resis.

Isten Sta em wanpela long olupela tim long dispela resis, long wiken go pinis em i sain nogut tru taim ol winim nupela tim FC Oro long Se John Gais Stadium 3-1

Long namba wan hap Oro bin pilai strong tru tasol ol i no bin skoarim wanpela gol, na klostu long namba wan hap pinis Isten Sta kisim wanpela penolti na bringim skoa bilong go 1-0.

Oro kam bek long nama tu hap na putim olgeta strong bilong go insait long pilai bilong tasol ol bal bilong i no painim net bilong Isten Sta.

Yangpela Sta straiika bilong Isten Sta i no wetim ol bal bilong ol, olgeta gutpela bal ol salim long en em tanim i kam gol.

Olgeta pilaia bilong Isten Sta em ol nupela na yangpela mangi tasol, sampela olupela pilaia bilong Isten Sta nau i pilai wantaim nupela tim Oro FC.

Long narapela pilai, Hekari i soim strong bilong ol yet olsem ol namba wan tim bilong NSL, ol winim wanpela nupela na strongpela tim POM FC 2-0

Dispela pilai i lukim olsem POM FC i gat wankain strong olsem Hekari, tasol ol mas tren strong long was long gol mak bilong ol.

Long dispela wiken, Lae bai holim tupela gem long hap namel long Welgris FC bai pilaim Hekari long wan kilok na namba tu pilai long tri kilok bai lukim Besta PNG Yunaited bai kisim ol mangi Oro FC.

Long Wes Nu Briten, ol papa graun yet Tavur bai traim long pasim lait bilong sta taim ol bungim ol mangi Isten Sta long tri kilok aviun.

Moa long Pes 27.



Valvoline

PMV

DIESEL OIL

PMV OIL BILONG YUMI

BOROKO MOTORS

BOROKO MOTORS

PORT MORESBY	325 5255
LAKE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GORDKA	532 3552

Email: info@borokomotors.com.pg
 Website: www.boroko-motors.com